

# Primera carta de San Pablo a los CORINTIOS

Corinto vāme cuti macana, Cristore ajitirūnurāre Pablo ī  
ucacōare queti

**1** 1-3 Adi quetire mware cōagū, Pablo vāme cutigu ñaja yu. ĶÑati mwa, Corinto macana, Dios swori ī macu ocare ajitirūncōari, rējarūgūrā? Jesucristo ī rijabosare ñajare, “Rojose mana ñaama” yicōari, “Yu rīa ñaama” Dios ī yīārā ñaja mwa. Sóstenes rāca ñacōari, mwa rī mere ucaja yu. “Mani ujure Jesucristore sēnirā jediro, adi quetire ajiato” yirā, ucaja yu. Mware quēnarotirā, mani jacu Diore, to yicōari, Jesucristo, mani ujure, ado bajise mware sēnibosaja yu: “Quēnaro mwa rāca ĩna ñarotire yirā, ĩnare ejarēmoña”, mware yisēnibosaja yu. Dios ī bojarore bajiro yure cōacami Jesucristo, “Yu sworine yu jacu quēnaro ī yise quetire gājerāre gotimasiodi ya mwa” yigu.

**“Mwa bajisere tūoīacōari, ‘Quēnaro yaja mwa’ Diore yaja yu”,  
Pablo ī yire queti**

**4** Tocārācajine Dios, mani jacure sēnigū, mware quēnaro ī yisere tūoīacōari, “Quēnaro yaja mwa”, ĩre yivariquēnarūgūaja yu. Jesucristore ajitirūnurā mwa ñajare, quēnaro mware yirūgūami Dios. **5** ĩre ajitirūnurā mwa ñajare, ĩ oca jediro quēnaro riojo ajimasicōari, mwa gotimasiorotire, to yicōari, ĩ bojarore bajiro mwa yimasiorotire yigu, mware ujoyumi Dios. **6** To bajiro mware ī yire ñajare, Cristo ī bajirere mware yu gotimasiosere ajicōari, “Socase me ñaja”, yicaju mwa. **7** Ñajediro mwa yimasioroti mware ī ujore ti ñajare, mani uju Jesucristo ī tudiejarotire yurāre, ñie ruyabetoja, mware. **8** “Yure quēnaro ajitirūncōa ñato” yigu, mware ejarēmorcumi. To bajiri, Jesucristo ī ejarirūmure, ñimujuane, “Rojose yirā ñaama”, mware yimasigū

manirucami. 9 “Yirucuja’ i yirore bajiro yigu ñari, manire eja-rēmorucami Dios”, yimasiaja mani. I ñaami, “Jesucristore ajitirūñña” yirere manire cōagū. To bajiri i ejarēmose suorine mani ujū, Cristore ajitirūññā ñari, quēnaro gāmerā baba cuti-rūgūaja mani.

### Corinto macana ricati rīne ina tūoīare queti

10 Yū mairā, yū gotirote bajiro yirā ñaboarine, gajeye mūa yise quēnabeaja. Mani ujū, Jesucristore yibosagu, ado bajiro mūare yaja yū: Rojose mūa yijama, “Jūaji rojose yimenasa mani” yicōari, sīgūre bajiro tūoīaña. 11 “To bajiro yama Corinto macana” Cloé yarā ina yisere ajicōari, to bajiro mūare yaja yū. 12 Ado bajise yūre gotiama: “Sīgūri, ‘Pablōre ajisuyarā ñaja yū’, gājerāma, ‘Apolore ajisuyarā ñaja yū’ yama. Gājerāma, ‘Pedrore ajisuyarā ñaja yū’, gājerāma, ‘Cristore ajisuyarā ñaja yūama’ yama”, yūre yigotiama Cloé yarā. 13 ¿No bajiro yirā to bajise ñagōjaiati mūa? “Mani ujū Cristo sīgūne ñaami” yirā ñaboarine, “Jājarā ñaama mani ujarā” yisocarāre bajiro yīñaja mūa. ¿Yū, Pablone rojose mūa yire vajare yirētobosagu, yucútērojū rijabosayujarique yū? “Pablōre ajitirūññā ñaja yū” yirā me, oco rāca bautiza eco-yuja mūa. 14-15 “Crispo vāme cutigu, to yicōari, Gayo vāme cutigu, ina rīne ñacama oco rāca yū bautizacana”, yitūoīaja yū. To bajiri mūa rācana, “Pablōre ajitirūññā ñaja yū”, yimasirā manama. Tire tūoīacōari, “Tocārācūne ñacama yū bautizacana”, Diore ire yivariquēnaja yū. 16 Estéfanos ya viana quēne ñacama oco rāca yū bautizacana. To cōrone yirijaja yū. 17 “Oco rāca masare ñare bautizacudiaya” yigu me, yūre cōacami Cristo. “Yū suorine Dios quēnaro masare i yisere gotimasiocudiaya” yigujūa, cōacami. “‘Quēnaro i gotimasiojare, ire ajitirūññaja yū’ yato” yigu, me yūre cōacami. To bajiro ina yijama, “‘Yucútērojū rojose mani yise vajare yirētogū, manire rijabosayumi’ yitūoīarā me ñaruarāma”, yūre yicami Jesucristo.

**“Jesucristo manire i rijabosare, ñamasuse oca ñaja”, yire queti**

18 Yucútērojū Cristo i rijabosarere ajicōari, “Socase ñaja”, yitūoīaama rojose tāmūotujabetiriarojū varona. Dios tājū varonajūama, ti quetire ajicōari, “Masijeogū ñaami Dios. I sīgūne

ñagũmi rojose mani tãmuoborotire yirẽtobosarocu”, yituoĩaa-  
ma. **19** Tire bajirone gotiaja Dios oca masa ãna ucamasire:

“‘Masirã ñaja yua’ yirãre masimenare bajiro ãnare  
yirũcũja yu, yure ãna masirotire yigu”, yigotiaja  
Dios oca masa ãna ucamasire.

**20** To bajiri, “Dios ã rotimasire riojo gotimasiorã ñaja yua”  
yirãre, to yicõari, gãjerã, “Adi macarũcũro ñase jedirore masi-  
rã ñaja yua” yirãre masimenare bajiro ãnare yami Dios.

**21** Masijeogu ñaami Dios. To bajiri adi macarũcũroana, masa  
ãna masune ãna buese, ãna tuoĩase sũori ãre ãna masirotire  
bojabesumi. Ado bajirojua ãna yisejũare bojayumi: ã macũ ã  
bajirere ajitirũnrã rĩrene rojose ãna tãmuoborotire ãnare yirẽ-  
tobosagu ñaami Dios. To bajiri ti ocare ajicõari, “To bajiro  
yimecũrã yama. Socase ñaja”, yama Diore masimena.

**22** To bajiri, judío masa quẽne, ti quetire ãna ajitirũnũsũoro-  
to rĩjoro, “Socase me ñaja yua yirotire yirã, ãñañamani yũare  
yĩioña”, yirã ñaama. Griego masajũama, “Quẽnaro ãna gotija-  
ma, ãnare ajisũyarũarãja mani”, yirã ñaama. **23** To bajiro ãna  
yituoĩaboajaquẽne, yũajũama, yucũtẽrojũ Cristo manire ã rija-  
bosarere gotimasiorũgũaja. Judío masa ãna ajitese, griego  
masa, “Yimecũrã yama” yũare ãna yisere yirũgũaja yua. **24** To  
bajiboarine, Cristo ã bajirere yua gotimasiosere ajicõari, judío  
masa, griego masare quẽne, “Yu macũre ajitirũnũña” Dios ã  
yirere ãna cũdijama, ã masisere ãnare cõaami. To ã yijare, “Masi-  
jeogu ñaami Dios”, yirũgũama. **25** Gãjerãjua, Diore masimena  
ñari, “Yimecũrã yama Cristore ajitirũnrã”, yituoĩaboama. To  
bajiro ãna yiboajaquẽne, “Masijeogu ñaami Dios. ãre bajiro  
yimasigũ magũmi”, yimasajaja mani, ã ocare ajitirũnrãma.  
**26** Yu mairã, Dios mũare ã besere tuoĩaña mũa. Jãjarã me ñaca-  
jũ mũa, ñamasurã, masare rotirimasa, to yicõari, “Masirã ñaa-  
ma” Diore masimena ãna yĩarã. **27** To bajiro mũa ñarotire boja-  
yumi Dios. “‘Tuoĩamasimena ñaama’ masa ãna yirã, to yicõari  
ãna rũcũbuomena ñarũarãma yu macũre ajitirũnrã”, yiyumi  
Dios. To bajiro ã yijama, “‘Masirã ñaama’ Diore masimena ãna  
yirũcũbuorãre, ‘Masirã me ñañuma’ yato” yigu, yiyumi.  
**28** “‘Ñamasurã me ñaama’ to yicõari, ‘No yimasimenama’ masa  
ãna yirãjua, yu macũre ajitirũnrũarãma”, yiyumi Dios.  
“‘Ñamasurã ñaama’ masa ãna yĩarã, ñamasurã me ñato” yigu,  
to bajiro yiyumi. **29** To bajiro yigu ã ñajare, ã ãaro rĩjoro, “Masa

ĩna rĩcubuoꝝu, ñamasugũ ñari, mɛ macɛ ĩ bajirere ajicõari, ‘Riojo gotiaja’ yicajɛ yɛ”, ĩre yirocɛ magũmi. **30** To bajiri Dios sɔorine Jesucristo ĩ bajirere ajicõari, ĩ yarã ñaja mɛa. To bajiri, Dios ocare ñamasusere masirã ñaja mɛa. Rojose mɛa yisere ĩ masiriojama, Cristo ĩ rijabosare sɔorine, “Rojose mana ñaama” Dios ĩ yĩavariquẽnarã ñaja mɛa. **31** Dios macɛ sɔorine to bajiro mɛa bajise ñajare, ado bajiro gotiaja Dios ocare masa ĩna ucamasire: “Ñamasurã ñaja yɛa’ yitɔoĩamenane, ‘Manire quẽnaro yiyumi Cristo. ĩjɛa ñaami ñamasugũ’ yivariquẽnaroti ñaja”, yigotiaja Dios ocare masa ĩna ucamasire.

**“Masigũ ñaja yɛ” masa ĩna ĩaro rĩjorojɛa, yibecɛne, Cristo ĩ bajirere Pablo ĩ gotimasiore queti**

**2** Dios oca masa ĩna masibetirere mɛare yɛ gotimasiocati-re tɔoĩaña mɛa, yɛ mairã. “‘Masigũ ñaami’ yɛre yĩato ĩna” yigɛ me, mɛare goticajɛ yɛ. **2** “Yucãtẽrojɛ Jesucristo ĩ rijabosare rĩne ĩnare gotirɛcɛja” yitɔoĩagũ ñari, to bajiro mɛare goticajɛ. **3** Mɛa tɛ ejagɛ, gotimasiobetirocɛre bajiro mɛare bojonecayɛ yɛ. To bajiro bajigɛ ñari, nanacajɛ yɛ. **4** Cristo ĩ bajirere mɛare yɛ gotiguadijama, “Masirã ñaja yɛa” yirã ĩna yirore bajiro me mɛare goticajɛ yɛ. “‘Pablo quẽnaro ĩ gotijare, Cristore ajitirũnɛaja yɛa’ yato” yigɛ me, mɛare goticajɛ. Mɛare yɛ gotimasiore, Espĩritu Santo ĩ masise rãca ĩ ejarẽmojare, “Riojo gotiami Pablo”, yɛre yiajiritirũnɛajɛ mɛa. **5** To bajiri, masa ĩna masise rãca me ajimasicõari, Cristore ajitirũnɛajɛ mɛa. Dios ĩ masise mɛare ĩ cõajare, Jesucristore ajitirũnɛajɛ mɛa.

**“Espĩritu Santo ĩ ejarẽmose rãca Diore masire ñaja”, Pablo ĩ yire queti**

**6** Jesucristo ocare quẽnaro ajitirũnɛrã ĩna ñajama, yɛa gotimasirotire Dios ĩ cõajare, josabɛsase ĩnare gotimasioregũaja yɛa. Yɛa gotimasiore, adigodoana, masirã, to yicõari, ɛjarã ĩna masise me ñaja. ĩna masiboase rãcane ĩna rijato, yayicoarɛaroja tijuama. **7** Yɛa gotimasiorejɛama, Dios ye, ĩ masise, ĩ cõase ñaja. Ti oca, masa ĩna masibeticati ti ñaboajaquẽne, adi macarɛcɛro ĩ rujeoroto rĩjorojɛne, “Masare quẽnaro yirɛcɛja” ĩ yimasire ñaja. **8** Adigodoana ɛjarã tire ajimasirã manicama. Tire ĩna ajimasijama, mani ɛjɛ Cristo quẽnamasu-

gũre, “Yucútẽrojũ ãre jajutu sãacõaña”, yibetiboriarãma ãna.

**9** To bajirone gotiaja Dios ocare masa ãna ucamasire:

“Dios, ãre mairãre, ‘Quẽnase ãnare ƣjorucƣja’ yi goti rãjoro yiyumi. Masa ãna ãbetirũgũre, ãna ajiãbetirũgũre, to yicõari ãna tũoãbãjabetirũgũre quẽne ãaja”, yigotiaja Dios oca masa ãna ucamasire.

**10** Yucũrema, mani masibetirũgũrere Espĩritu Santo ã ejarẽmose sũorine Dios ã ƣjosere masiaja mani. Ñajediro masiami Espĩritu Santo. Dios ã tũoãsere quẽne masigũ ñaami.

**11** Gãjerã ãna tũoãsere, “To bajiro tũoãma”, yimasiãa maja. Mani masu mani tũoãse rãne masire ñaja. To bajirone bajaia, Dios ã tũoãse quẽne. Mani masibetiboajaquẽne, Espĩritu Santo sigũne masiami, Dios ã tũoãsere. **12** To bajiboarine, adigodoana Diore masimena ãna tũoãse ãni mere manire cõañumi Dios. Espĩritu Santojũare manire cõañumi, manire ã ƣjosere quẽnaro mani ajimasirotire yigũ. **13** To bajiri yũa gotimasiojama, gãjerã yũare ãna gotimasioire mere gotimasiorũgũaja. Espĩritu Santo yũare ã ejarẽmojare, quẽnaro gotimasiorũgũaja yũa.

**14** Espĩritu Santore cũomena, ã ejarẽmose rãca yũa gotimasiosere ajicõarã ñaboarine, ajimasimena ñari, “Tũoãamasimena ye ñaja”, yicõama. To bajiro ãna yiboajaquẽne, Espĩritu Santo sũorine Dios yere quẽnaro ajimasire ñaja. Espĩritu Santore cũomena, ã ocare ajimasimenama. **15** Espĩritu Santore cũorãjũama, masa ãna yise jedirore ãcõari, “Quẽnaro yama. Rojose yirã yama”, yimasiamama. To bajiro yirã ãna ñajare, Espĩritu Santore cũomenajũama, ãna yisere ãcõari, “Socarã yama”, ãnare yimasibeamama. **16** Dios oca masa ãna ucamasire ado bajiro ti gotijare, “Espĩritu Santore cũorã ãna yisere ãcõari, ‘Socarã yama’ ãnare yimasibeamama Espĩritu Santore cũomena”, mũare yaja yũ: “Mani ƣjũ, ã tũoãsere masigũ magũmi. ãre gotimasioigũ magũmi”, yigotiaja Dios oca masa ãna ucamasire. To bajiro ti gotiboajaquẽne, Espĩritu Santo sũorine Cristo ã tũoãrore bajiro tũoãrã ñaja mani.

**“Dios ã bojasere yirã ñaja yũa”, Pablo ã yire queti**

**3** **1** Mũa tũjũ ñacudigũ, Espĩritu Santo ã bojarore bajiro yirãre yũ gotimasioicatore bajiro mũare gotimasioibeticajũ yũ. Cristore ajitirũnũsũorã mũa ñajare, Diore tũoãbeticõari ãna masune ãna bojarore bajiro yirãre yũ gotimasioicatore bajiro

mware gotimasiocajũ yũ. **2-3** Cristo ï gotimasiorere, josari me busane ajimasirere mware gotimasiorũgũcajũ. “Yũ gotimasiososere ajimasibeticõa ñaama” yigũ, josasere mware gotimasibeticajũ. Yucũ quẽne to bajirone bajicõa ñarãja mwa maji. Beroaye mware gotimasioroti ti ñaboajaquẽne, mware yũ gotimasioboacatirene tudigoticõaroti ñaroja. Mwa masune mwa bojarore bajiro mwa yicõa ñajare, to bajiro yaja yũ. Gãjerã ñna bajisere ñacõari, “Yũa rëtoro quẽnaro ñaama” yĩajũnisini, ñagõjai, bajiñarãja mwa. To bajiro mwa bajiñajama, Espiritu Santore cõomenare bajiro mwa masune mwa bojarore bajiro yicõa ñarãja. **4** Ado bajiro yirã mwa ñajare, to bajiro yaja yũ: “Sĩgũri, ‘Pablore ajisũyarã ñaja yũa’, gãjerãjũama, ‘Apolore ajisũyarã ñaja yũama’ yirũgũama” ñna yisere ajaia yũ.

**5** Apolos, ñamasugũ me ñaami. Yũ quẽne, ñamasugũ me ñaja. Diojũa ñaami ñamasugũma. Ñre moabosarimasa ñaja yũa. Tocãrãcũne, mani ẽjũ, yũare ñ moaroticõariarore bajirone moaja yũa. Yũa gotimasioe suorine Cristore ajitirũnũsũoyuja mwa. **6** Yũ, mware Cristo ocare gotimasiosocajũ. Yũ gotimasioero bero, bũtobũsa mware gotimasiorẽmoñumi Apolos. To bajiro yũa yisere ejarẽmoami, Dios “Bũtobũsa Cristore ajitirũnũato” yigũ. **7** To bajiri Cristo ñ bajirere gotimasiosũorã, ñna bero tire gotirẽmorã quẽne, ñamasurã me ñaja yũa. Diojũa, ñaami ñamasugũma, “Yũ macũre ajitirũnũcõari, bũtobũsa ajitirũnrũtuajaro ñna” yigũma. **8-9** Gotimasiosũorã, gotimasiorẽmorã, cojoro cõoro ñacõaja yũa, Diore moabosarã. Tocãrãcũre ñre ñna moabosase vaja, vaja yirũcũmi Dios. Mwa ñaja Dios ñ ñatirũnrã, yũare ñ moaroticõarijũre bajiro bajirã. To bajicõari, Dios ñ quẽnorivire bajiro bajaia mwa. **10** Yũjũa, ti vire bũasũogũre bajiro bajigũ ñaja. Dios, yũre ñ yirẽmojare, ñ oca ñamasusere quẽnaro mware gotimasiosocajũ yũ. Yũ gotimasioero bero gotimasiorã, yũre bũarẽmorãre bajiro yirã ñaama. To bajiri, quẽnaro riojo Dios ocare ñnare gotimasioroti ñaja. **11** Ado bajise mware gotimasiocajũ yũ: “Jesucristo manire ñ rijabosare ñajare, rojose mana, Dios ñ ñavariquẽnarã ñaja mani”, yigoticajũ yũ. Ti oca ñaja ñamasuse. Gãjerã ricati ñna gotimasiojama, Dios ye mere gotimasiorã yirãma. **12-13** Sĩgũri, Dios ocare ñna gotimasiojama, quẽnaro riojo gotirãma. Gãjerãma, quẽnaro riojo gotimasiomenama. Tocãrãcũrene gotimasiorimasare, “Quẽnaro gotiyuma. Quẽnaro gotimasibesuma”, yimasirũarãja mani,

masa jedirore Dios ï ïabeserirũmũjũ. To bajiri, ïna gotimasiore-re, “Quẽnase ñaja” yimasirũ, jeamejũ tire soeïagũre bajiro yirũcũmi Cristo. ïna gotimasiore quẽnase ti ñajama, ñabetoja. Quẽnabeti ti ñajama, ñajedicoarũaroja. **14** Quẽnase ñari, ti ñabetijama, vaja yirũcũmi Cristo. **15** Rojose ñari, ti ñajedicoajama, rojose tãmũorũarãma quẽnaro yibetiriarã. Rojose tãmũoroti ti ñaboajaquẽne, rojose tãmũotũjabetiriaroju ïnare cõabetirũcũmi Cristo, ïre ajitirũnrã ïna ñajare. Vi ti ñaro rudi budirãre bajiro bajirũarãma.

**16** ¿“Espĩritu Santore cũorã ñaja mani”, yimasibeatique mña? **17** Dios yarã ñaja mña. To bajiro bajirã mña ñajare, gãjerã rojose mñare ïna ïmato yijama, ïmato yirãjuare bũto rojose ïnare yirũcũmi Dios.

**18** Mña masune socabesa. Adigodoaye rĩne tũoïarã, “Masirã ñaja yña” ïna yitũoïarore bajiro mña yijama, mña masune socarã yirãja. “Ñamasurã me, masirã me ñaja”, yitũoïaroti ñaja mñare. To bajiro mña yijama, ñamasurã ñarũarãja mña. **19** Dios ï ïajama, ïre ajitirũnũmena ïna tũoïase, tũoïamasimena ye ñaja. Dios ocare masa ïna ucamasire ado bajiro ti gotijare, to bajiro bajiaja: “‘Dios oca socase ñaja’ yitũoïarã ñari, ‘Yña masise rãca ado bajiro yirũarãja’ yitũoïaboarãre matarũgũgũmi Dios, ‘Masimena ñaboarine, to bajiro tũoïañuja mani’ yimasiato” yigũ. **20** Quẽna gajejũ ado bajiro gotiaja Dios ocare masa ïna ucamasire: “Yũre ajitirũnũmena, “‘Masirã ñaja yña’ ïna yitũoïaboase, vaja maja’ yimasigũmi Dios”, yigotiaja Dios ocare masa ïna ucamasire. **21-22** To bajiri, “Mñare gotimasiorimasũ rẽtoro yimasigũ ñaami yũare gotigũ”, mña rãcanare yivariquẽnabesa. No yirã to bajise yimenaja. Yũ, Pablo, Apolos, to yicõari, Pedro, yña jediro, mñare moabosarimasare bajiro mñare ejarẽmorã, mñare gotimasioaja yña. Adigodoaye jediro mñare cũbosayumi Dios. Tire masicõari, ï ocare ajitirũnrã quẽnaro ñaja mña. To bajiri, mña rijato bero quẽne, Dios tũju quẽnaro ñarũgũrũarãja. **23** Dios macũ yarã mña ñajare, jediro mña ye rĩne ñacõaja.

### Jesucristo ocare gotimasiorimasa ïna bajire queti

**4** **1** Mñare gotimasiorimasare: “Cristore moabosarimasa ñaama”, yũare yiya mña. ï oca masa ïna masibeticatire yũare gotimasioroticõacami Dios. **2** Moabosarimasa mani ñacõa ñarũajama, ïna rotirore bajirone cũdirũgũroti ñaja. ïna

bojarore bajiro ña yijama, ñare rotigũja, quẽnaro ñare ñavariquẽnagũmi. **3** Yũjũarema, “Cristo ñ bojarore bajiro quẽnaro moagũ ñaami Pablo” mũa yijama, mũa yibetijaquẽne, no yibeaja yũrema. Masa ÷jarã quẽne, “Cristo ñ bojarore bajiro quẽnaro moagũ ñaami Pablo” ña yijama, ña yibetijaquẽne, no yibeaja. Yũ masune, “¿Cristo ñ bojarore bajiro quẽnaro moati yũ, moamasibeatique yũ?”, yitũoĩabeaja yũ. **4** No yigũ to bajise tũoĩabecũja. Cristore quẽnaro moabosadicajũ. To bajiro yũ yiboajaquẽne, “Cristo ñ bojarore bajiro quẽnaro moacami Pablo” yire ñni me ñaja ti. Mani ÷jũ Cristo ñaami, “Yũ bojarore bajiro quẽnaro moacami. Quẽnaro moabetica-mi” yimasirocũma. **5** To bajiro yirocũ ñ ñajare, Cristo ñ tudiejaroto rĩjoro, “Ñni quẽnaro moaami. Ñjũ, quẽnaro moabeami”, yũare yibetiroti ñaja mũare. Masa ña ajibeto, mani yisere, mani tũoĩasere quẽne, ñ tudiejarirũmũ, “Ajijedicõato masa” yigũ, manire gotirotirũcũmi. To cõrone mani yirere ñabesejeomasirũarãja mani. Quẽnaro yiriarãre, “Quẽnaro yicajũ mũa”, ñare yirũcũmi Dios.

**6** “Dios oca mũare gotimasiorimasare ado bajiro tũoĩaroti ñaja’ yimasiato ña” yigũ, Apolos ñ bajisere, to yicõari, yũ bajisere mũare gotibũ yũ. “Yũa bajisere tũoĩacõari, Dios ocare masa ña ucamasire ti gotirore bajiro tũoĩato ña quẽne” yigũ, to bajiro mũare yibũ yũ, ado bajiro tũoĩarã mũa ñajare: “Yũare gotimasioigũjũ, mũare gotimasioigũ rẽtoro masigũ ñaami”, yaja mũa. To bajiro yibetiroti ñaja. **7** “Yũare gotimasioigũjũ, mũare gotimasioigũ rẽtoro masigũ ñaami” mũa yijama, “Gãje-rã rẽtoro masirã ñari, butobũsa masigũre besemasiaja yũ” yirã yirãja. “To bajiro yirã ñato” yigũ me mũa masirotire ÷joyumi Dios. Jediro mũa masise Dios ñ ÷jore ñaja. To bajiri, Dios ñ ÷jore ti ñaboajaquẽne, ¿mũa masune tũoĩacõari, “Masirã ñaja yũ” yirãre bajiro yati mũa? Tire yibeticõaña.

**8** ÷jarãre bajiro tũoĩarũgũaja mũa. To bajiro tũoĩarã ñari, “Ña gotimasiosere bojabeaja. Masimena ñaama”, yũare yĩñaja mũa. Dios yere quẽnaro masirã mũa ñajama, yũa quẽne, mũa masisere ajitirũnũborãja. **9** To bajiri, “Dios yarã ñ ñamaimena ñ cũriarãre bajiro bajiaja”, yitũoĩaja yũ. “Vaja mana ñaja mũa. Mũa sĩa ecosere ñarũarãja” masa ña yirãre bajiro bajiaja yũ. “Adi macarũcũroana, õ vecana ángel mesa quẽne, Cristore ajitirũnrã rojose ña tãmũosere ña ñarũajama, ñare ñato’ yigũ,



yũare cũũnumi Dios”, yitũoĩaja yũa. **10** Cristo ĩ bojasere yirã yũa ñajare, “Tũoĩamasimena ñaama”, yũare yama masa. To bajiro yũare yiboarine, mũajũarema, masirãre bajiro mũare ĩama. “Dios ĩ ejarẽmobetijama, ĩ ocare quẽnaro gotimasimenaja mani”, yitũoĩarã ñaja yũa. To bajiro yirã yũa ñaboajaquẽne, “Dios oca quẽnaro masiaja yũa”, yirũgũaja mũa. Gãjerã ĩna rũcũbũorã mũa ñaboajaquẽne, yũarema rũcũbũobetirũgũama masa. **11** Tirũmũjũ yũa bajicatore bajirone bajicõa ñarũgũaja yũa, adirodorire quẽne: Bũto ñiorija, oco idirũaboa, sudi mani, masa quẽne rojose yũare yirũgũama. Yũa ñarotivi quẽne, maja yũare. **12** Dios ocare gotirã ñaboarine, yũa masune bũto josari moarũgũaja yũa, yũa ñase vaja, yũa base vaja, vaja yirũarã. Gãjerã yũare ĩna ajatudĩboajaquẽne, “Quẽnaro mũare yato Dios”, ĩnare yicũdirũgũaja yũa. Rojose yũare ĩna yiboajaquẽne, ĩnare gãmebetirũgũaja. **13** Yũare ĩna tudĩboajaquẽne, quẽnase-  
 jũare tũoĩacõari, ĩnare gotirũgũaja yũa. Tirũmũjũ yũare ĩna ĩatecator bajirone ĩatecõa ñarũgũama.

**14** “Yũ ucacõasere ĩacõari, ajibojoneato” yigũ me, adi que-  
 tire mũare ucacõaja yũ. Yũ mairã, yũ rĩare gotimasioğũre baji-  
 ro mũare gotiaja yũ, “Quẽnaro riojo masiato ĩna” yigũ. **15** Cristo ĩ bajirere mũare gotimasiorã, diez mil ñarã ĩna ñaboajaquẽne, yũ sĩğũne ñaja, mũare gotimasiosũocacũ. Yũ gotimasiosere ajicõari Jesucristore ajitirũnũsũocajũ mũa. To bajiri mũa jacũre bajiro bajaia yũma. **16** To bajiro yũ bajijare, yũ yirũgũcator bajiro mũa yijama, quẽnaroja.

**17** To bajiro mũa bajiro tire bojagũ ñari, Timoteore, mũare ejarẽmorocũre, mũare cõaja yũ. “Cristore ajitirũnũğũ ñari, ado bajiro bajirũgũami Pablo”, mũare yigotirũcũmi, Jesucris-  
 tore ajitirũnũrã jedirore yũ gotimasioatire. Yũ macũ, yũ mai-  
 gũre bajiro bajigũ mani çjũ ĩ bojasere yigũ ñaami Timoteo. **18** “Jũaji ejabecũmi Pablo” yitũoĩarã ñari, sĩğũri mũa rãca “Ñamasurã ñaja yũa”, gãmerã yivariquẽnarãja mũa. **19** “Yũ varotire Dios ĩ bojjama, yoaro mene mũare ĩagũ varũcũja”, yitũoĩaja yũ. Mũa tũ ejacõari, to bajiro gãmerã mũa yĩnasere masirũcũja yũ. Dios ĩ ejarẽmose rãca mũa yijama, mũa rãca bũtobusa Cristore mũa ajitirũnũsere quẽne ĩamasirũcũja. **20** Ado bajise ti bajijare, to bajiro yaja yũ: Dios yarã me ñaa-  
 ma socarãne, “Diore ajirã ñaja yũa” yigotiboarine, ĩ bojarore bajiro yimena. ĩ yarã ñaama ĩ ejarẽmose rãca ĩ bojarore bajiro

yirã. **21** To bajiri m̄ua t̄u ejaçõari, çno bajiro m̄uare ȳu yirotire bojati? Rojose m̄ua yisere m̄ua yit̄ujabetijama, tutuaro m̄uare gotir̄uçaja ȳu. Tire m̄ua yit̄ujajama, m̄uare ȳu maisere quẽna-ro m̄uare gotir̄uçaja ȳu.

### Ï jacu manajore ajerio çutiḡure Pablo ï burocarotire queti

**5** 1 Gaje vãme m̄uare gotir̄uçaja ȳu. Sīgũ m̄ua rãcagũ ï jacu manajore ï ajerio çutisere ajibũ ȳu. To bajiro ï yijama, b̄uto rojose yigũ yiyumi. Gãjerãjuama, Diore ajimena ñaboarine, ti ùnire yimenama ñna. **2** To bajiro yirã ñaboarine, “Dios oca masirã ñaja ȳua”, yivariquẽnarãja m̄ua. M̄ua rãcagũ rojose ï yisere ïas̄utiriticõari, ïre burocaroti ñaboayuja ti. **3-4** M̄ua rãca ñabetiboarine, m̄ua rãca ñagũre bajiro t̄uoïaja ȳu. Mani ç̄ju Jesucristo ï ejarẽmose rãca, “Ado bajiro ïre yiroti ñaja”, yimasajaja ȳu, ï jacu manajore ajerio çutiḡure. To bajiri m̄ua r̄ejaroju, m̄ua rãca ñabetiboarine, ȳu t̄uoïasejuma m̄ua rãca ñar̄uçaja ȳu. To bajicõari, mani ç̄ju Jesucristo quẽne, m̄ua rãca ñar̄uçumi, m̄uare ejarẽmogũ. **5** Ï jacu manajore ajerio çutiḡure, “Satanás ï bojarore bajiro rojose ïre yato” yirã, ïre burocaya. “Rojose tãmuogũ ñari, ï jacu manajore ajerio çuti-beticõari, Dios ï bojarore bajirojua yato” yirã, to bajiro ïre yir̄uarãja m̄ua. Tire ï yit̄ujajama, mani ç̄ju Cristo, masare ï ïabeserirũm̄u ti ejaro, rojose yirí ï ñaboajaquẽne, rojose tãmuot̄ujabetiriaroju ï vaborotire ïre yir̄etobosar̄uçumi.

**6** M̄ua rãcagũ rojose ï yin̄aboajaquẽne, “Dios oca masirã ñaja ȳua” m̄ua yivariquẽnase quẽnabeaja. Tire bajiro bajijaja pan ùmato vauvase. Mojoroaca v̄uore ti ñaboajaquẽne, vauvajediaja ti. Tire bajirone bajijaja rojose mani yise. Mani rãcagũ, rojose ï yicõa ñajama, ï yisere ïacõari, mani jediro rojose yijedicoana-ja. **7** Judío masa, Pascua boserũm̄uri quẽnorã, pan ùmato vauvasere ñna reajeorore bajiro rojose m̄ua yisere reajeocõaña m̄ua. “Jediro rojose m̄ua yise yit̄ujacõaña” yigũ yaja ȳu. “Rojose mana ñato mani” yirã, to bajiro yiya m̄ua. Oveja mac̄ure bajiro masare Jesucristo ï rijabosare suorine rojose mani yise vaja manire ï vaja yiyeobosare ñajare, to bajiro yiroti ñaja. **8** “Rojose mani tãmuoborotire manire yir̄etobosayumi” yirã, “Yir̄uarãja” m̄ua yit̄uoïarore bajirone quẽnase r̄ine yiroti ñaja.

**9** Tirũm̄uju papera m̄uare cõagũ, ado bajiro gotiboacaju ȳu: “Gãmerã ajeriarã çutirã rãca ñabesa”, m̄uare yiucaboacaju

yũ. **10** To bajiro yũ yijama, “Cristore ajitirũnumena rãca ñabesa” yigũ me yicajũ yũ. Adigodojũre jãjarã ñarãma: Mana-jo mana, manajũ mana, manajũ cõtirã, manajo cõtirã quẽne, gãjerã rãca ajeriarã cõtirã ñarãma. To yicõari, jairo gajeyeũni cõorã ñaboarine, jaibũsaro bojarẽmorã ñarãma. Juarudirimasa ñarãma. “Ado bajirã ñarãma” ñna masune yiquẽnorujeocõari, rũcũbuorã quẽne ñarãma. Cristore ajitirũnumenajũa jãjarã ñna ñajare, ñnare tũoĩacõari, “Rudiya” mũare yũ yiboajama, no bajiro yicõari, rudimasimenaja mũa. Rijana rĩne ñarãma rudirãre bajiro bajirãma. **11** Mũare yũ ucacõocatire, “Quẽnaro ajimasiato” yigũ, ado bajise mũare papera ucacõaja yũ quẽna: “Ado bajiro bajirãma” yitũoĩagũ, “Ñna rãca ñabesa”, mũare yiuacõacajũ: “Cristore ajitirũnũrã ñaja yũa” yiboarine, gãmerã ajeriarã cõtirã ñarãma. To yicõari, jairo gajeyeũni cõorã ñaboarine, quẽna gajeye bojarẽmorã ñarãma. Socarãne gãjerãre, “Rojose yima”, yigotirimasa ñarãma. “Ado bajirã ñarãma” ñna masune yiquẽnorujeocõari, rũcũbuorã ñarãma. Idimecũrã, to yicõari, juarudirimasa quẽne ñarãma. “Ñna ñna rãca ñabesa” yũ yiucajama, ñna rãca mũa babetirotire quẽne tũoĩagũ yaja. **12-13** Cristore ajitirũnumena ñna yisere ñacõari, “Adi quẽnase ñaja; tijũa rojose ñaja”, yibeseroti me ñaja manire. Dios sĩgũne ñaami to bajise yirocũma. Cristore ajitirũnũrã ñaboarine, rojose ñna yisere ñacõari, “Tire yitũjacõato” yirã, rojose ñnare yiroti ñaja. To bajiri Dios ocare masa ñna ucamasire ti gotirore bajiro yiya mũa. Ado bajiro gotiaja: “Mũa rãcagũ rojose yigũre ‘Yũa rãca ñabesa’ ñre yicõañna”, yigotiaja Dios oca.

**“Cristore ajitirũnũrã rĩne, rojose gãmerã mũa yijama, ñre ajitirũnumena tũjũ vamenane, mũa masune oca quẽnoroti ñaja”, yire queti**

**6** 1 Gajeye quẽnabeti mũa yisere mũare gotirũaja yũ. Cristore ajitirũnũrã rĩne rojose mũa gãmerã yijama, ¿no yirã oca quẽnorũarã, Cristore ajitirũnumena tũjũ vacõari, oca quẽnorotirũgũati mũa? ¿No yirã Cristore ajitirũnũrã rĩne rẽjacõari, ñnare oca quẽnorotibeati mũa? “To bajiro bajiaja”, ¿yibojonebeati mũa, Cristore ajitirũnumena tũjũa varũarã? **2** “Dios yarã ñari, Cristore ajitirũnumena rojose ñna yisere ñabeserona ñaja mani” yimasirã ñaboarine, ¿no yirã ñamasuse mere mũa rojo-

se gāmerā yisere oca quēnomasibeati mña? Mña masune oca quēnomasicōarāja. **3** Ángel mesa, vātia, ñna yisere quēne ñabeserona ñnari, adigodo mña yĩnasere roque rētoro ñabesemasirāja mña. **4** Ñna yisere ñabeserona ñaboarine, rojose gāmerā mña yisere, Cristore masimenare oca quēnorotirā varūgūaja mña. **5** “¿To bajiro yirūgūñujari mani?” mña yimasirotire yigñ, to bajiro mñare gotiaja yñ. Tire masicōari, Cristore ajitirññumemare oca quēnorotibetirññarāja mña yuja. “Masirā ñaja yñ” yirā ñaboarine, Cristore ajitirññumena tñjñ mña oca quēnorotirā vajama, “Rojose mani gāmerā yisere mani rācagñ oca quēnorimasñ magñmi” yirāre bajiro yaja mña. **6** To bajiri ado bajiro bajiaja mña: Cojo masare bajiro bajirā ñaboarine, rojose gāmerā yaja mña. To bajiro mña yise quēnabeti ñaja. To yicōari, mña masune oca quēnomenane, Cristore ajitirññumemajñare mña oca quēnorotirā vase ñaja rētoñsaro quēnabeti.

**7** Mña masune rojose mña gāmerā yijare, quēnabeaja. Gājerā tñjñ ñnare oca quēnorotirā vamenane, ado bajirojñ mña yijama, quēnaboroja: Gāji rojose mñare ñ yisere gāmemenane, “Yñare yitocōari, yñ ye ñaboasere mñ ěmase tone bajicōato. Mñre masirioaja yñ” ñre mña yijama, gājerā tñjñ mña vase rētoro quēnaroja. **8** To bajiro ũmato bajiroti ũnirene, ñmñajñane ñaja rojose yisñorāma! ñMñane ñaja gājerā Cristore ajitirññurāre, mña mairona ñaboarāre yitocōari, ñna yere ěmarā!

**9** To bajiro rojose mña yisere, “Rojose me ñaja” mña yitñoñase socase ñaja. To bajiri, to cōrone mña yirūgūisere yitñajacōaña. “Rojose yirāma, Dios tñjñ ejarona me ñaama”, yimasiaja mña. Rojose yirāma, ado bajiro yirā ñarāma: Manajo cñtirā, manajñ cñtirā, manajo mana, manajñ mana quēne, gājerā rāca ajeriarā cñtirā ñarāma. “Ado bajirā ñarāma” yiquēnorujeocōari, rñcññborā ñarāma. **10** Juarudirimasa ñarāma. Jairo gajeyeñni cñorā ñaboarine, quēna gajeye bojarēmōrā ñarāma. Idimecñrā ñarāma. Socarāne, “Ado bajise rojose yima”, yigotirimasa ñarāma. Gājerāre yitocōari, ñna cñoboasere ěmarā ñarāma. “Ñna ũnama, Dios tñjñ ejarona me ñaama”, yimasirāja mña. **11** Mña quēne ñnare bajiro bajiyuja mña maji. Yucñrema Jesucristo, to yicōari Espñritu Santo sñorine “Rojose mana ñaama yñ yarā” Dios ñ yĩñarā ñaja mña.

**“Dios í bojarore bajiro yiroti ñaja”, yire queti**

**12** Ado bajiro yisere ajirügüaja mua: “Mani bojarore bajiro yimasiaja”, yigotiaja. To bajiro yigotiboajaquêne, mani tũoïa-rore bajiro mani yijama, quênabetoja. “Butobusa Dios í bojarore bajiro yirã ñato mani” yirã, yibetiroti ñaja manire. “Tire mani yisejacõajama, ti rione manire yirũamacõroja” yirã ñari, yibeticõato mani. **13** Gãjerãma, ñna rujũ ti bojarore bajiro yirũarügürã ñari, ado bajiro yirügüama: “Mani gũdajoajũ mani basãroti ñaja bare. To bajicõari, gũdajoajũa quêne bare basãrotijoa ñaja”, yirügüama. To bajiro ñna yise, socase me ñaja, bajirojũma. To bajiboarine, mani base, mani gũdajoa quêne ñamasuse me ñaja. Cojorũmũ tire reajeocõarũcũmi Dios. To bajiri, “Mani rujũ quêne rõmia rãca ajeriarã cõtiato” yiro me bajiaja. Cristo í bojasejũare yirotirujũ ñaja. To bajiri, Cristojũa quêne, “Yũ bojasere yirã ñaama” yigũ, manire ejarẽmogũmi. **14** Mani rujũ ti bajiyayiboajaquêne, mani ujũ Cristore í catoriarore bajirone manire quêne í masise rãca catoriarũcũmi Dios.

**15** Cristo yarã ñari, ñre moabosarimasa ñaja mani. To bajiro bajirã ñaboarine, çrõmia, ãmũare ajeriarã cõticiõari, vaja sãnirã rõmiri rãca ñarãti mua? ¡Ñabetirũarãja! **16** “Ñna rõmiri rãca mani ajeriarã cõtijama, ñnare ajeriarã cõtirã ñari, cojo rujũne, rujũ cõtirãre bajiro bajirã ñarãja mani”, yimasirãja mua, Dios ocare masa ñna ucamasire ado bajiro ti gotijare: “Manajo cõtijama, jũarã ñaboarine, sīgũ rujũre bajiro ñaama, Dios ñajama”, yigotiaja Dios ocare masa ñna ucamasire. **17** Manajo cõtirere ti gotirore bajirone mani quêne, Cristore ajitirũnrã ñari, Cristo rãca cojo usũne, usũ cõtirãre bajiro bajiaja mani, Dios í ñajama.

**18** To bajiri Cristo yarã ñari, rõmia rãca ajeriarã cõtirũaboarine, yibeticõaña mua. Gajeye rojose mua yisema, quẽnacõaroja. To bajiboarine, rõmia rãca mua ajeriarã cõtisejũa ñaja quênabeti masu. **19** Espíritu Santore mani usũrijũre manire cõañumi Dios. To bajiri mani usũrijũ í ñajare, “Espíritu Santo í ñarivire bajiro bajiaja”, yimasirãja mua. To bajiri mani rujũ, mani masu rujũ me ñaja. Dios ye ñaja. **20** “Yũ yarã ñato” yigũ, Satanás yarã ñaboarãre í macũ í rijare sũorine, “Yũ yarã ñaama”, manire yiyumi Dios. To bajiri rõmia rãca ajeriarã cõtimenane, Dios í bojarore bajiro rĩne yirũarãja. To bajiro mani yijama, Diore rũcũbuorã yirũarãja mani.

### Ĩna manajo cŭtirotire ĩna sĕniĩacōarere Pablo ĩ cŭdire queti

**7** 1 Papera rāca yŭre mŭa sĕniĩacōarere mŭare cŭdiaja yŭ. “Sĩgŭ manajo magŭ ĩ ñacōajama, ¿quĕnati?”, yŭre mŭa yisĕniĩacōarere, “Quĕnaja”, yaja yŭ, tire. 2 To bajiboarine, “Manajo mana, rōmia rāca ajeriarā cŭtire ĩna bojajama, manajo cŭtiroti ñaja”, yaja yŭ. Rōmia quĕne, ĩna manajŭ cŭtijama, quĕnaja. 3 Manajo cŭticōari, ĩ yirŭaro cōro so cŭdijama, quĕnaja. Ĩja quĕne, ĩ manajo so yirŭaro cōro ĩ cŭdijama, quĕnaja. 4 Manajŭ cŭticōari, “Yŭ bojarore bajiro ĩre yirŭocoja yŭ”, yibetirŭocomo. So manajŭ ĩ yirore bajiro cŭdirŭocomo. Ũmŭ quĕne, manajo cŭticōari, “Yŭ bojarore bajiro sore yirŭcŭja yŭ”, yibetirŭcŭmi. ĩ manajo so yirore bajiro cŭdirŭcŭmi. 5 To bajiri, ĩna manajoa rāca ĩna yijama, “Yibesa”, yibeticōato ĩna manajoajŭa. ĩna manajoajŭa quĕne, ĩna yirŭajama, “Yibesa”, yibeticōato ĩna manajŭa. To bajiboarine, “Diore rŭcŭbŭorā, yibeticōato mani maji” ĩna juarājŭne ĩna yitŭoĩajama, quĕnaja. Diore rŭcŭbŭo gajanocōari, ĩna yirŭgŭriarore bajiro ĩna yijama, quĕnaja. To bajiro ĩna yijama, “Gājerā rāca ajeriarā cŭtiya”, yimasibetirŭcŭmi vātia ŭjŭ, Satanás.

6 Adi jediro mŭare yŭ gotise, mŭare rotigŭ me yaja yŭ. “Yŭ gotirote bajirone mŭa yijama, quĕnaja” yigŭ, tire mŭare gotiaja yŭ. 7 “Yŭre bajiro manajo mana mŭa ñajama, quĕnaboroja”, yitŭoĩaja yŭma. To bajiboarine sĩgŭre bajiro bajirā me ñaja mani. Tocārācŭre ricati Dios ĩ masisere manire ŭjoyumi.

8 Manajo manare, manajŭ manare, manajŭ rijaveoriarāre quĕne ado bajiro mŭare gotiaja yŭ: Yŭre bajiro manajo mana, rōmia quĕne manajŭ mana mŭa ñacōajama, quĕnaja. 9 To bajiboarine, manajo magŭ ĩ ajerio cŭtirŭajama, manajo cŭtiato. To bajirone yato rōmia quĕne. Ajeriarā cŭtire bŭto ĩna tŭoĩajama, manajŭ cŭtiato.

10 Manajŭ cŭtirāre, ado bajiro mŭare gotiaja yŭ: Mŭa manajŭare reare maja. Ti ñaja mani ŭjŭ ĩ rotire. Yŭ masu tŭoĩacōari, yigŭ me yaja. 11 So manajŭre so rocajama, gāji manajŭ cŭtire manirŭaroja. So manajŭ ñarí rāca so oca quĕnojama, quĕnaja. To bajirone bajiaja ŭmŭre quĕne. ĩ manajo cŭtijama, rocare maja.

12 Mani ŭjŭ yŭre ĩ rotire me, yŭ masune tŭoĩacōari, ado bajise mŭare gotiaja, Cristore ajitirŭnŭbeco rāca manajo cŭti-

rãre: M̃a manajo Cristore ajitirũnũbeco ñaboarine, m̃a rãca so ñacõa ñarũajama, sore rocabetiroti ñaja. **13** To bajirone gotiaja manajũ cõtirãre quẽne. M̃a manajũa Cristore ajitirũnũmena ñaboarine, m̃a rãca ñna ñacõa ñarũajama, ñnare reabetiroti ñaja. **14** Ado bajiro ti bajijare, tire gotiaja yũ: M̃a manajũa, Cristore ajitirũnũmena ñaboarine, m̃a rõmiajũa Cristore ajitirũnrã m̃a ñajare, ñ yarãre ñ ñamaiore bajiro ñnare ñamaiami Dios. To bajirone bajiaja Cristore ajitirũnũmena rõmirire quẽne. Cristore ajitirũnũmena ñna ñaboajaquẽne, m̃are ñna manajũa cõtijare, ñ yarãre ñ ñamaiore bajiro ñnare ñamaiami. To bajiro ti bajibetijama, m̃a rĩare, Cristore ajitirũnũmenare bajiro ñnare ñ ñaborotire ñ yarãre ñ ñamaiore bajiro m̃a rĩare quẽne ñnare ñamaiami. **15** Cristore ajitirũnũgũ manajo Cristore ajitirũnũbeco ñnari, ñre so rocarũajama, rocacõato. To bajirone bajiato rõmiojũare quẽne. Cristore ajitirũnũbecu ñnari, ñ manajore ñ rocarũajama, rocacõato. To bajiro ñna yijama, quẽnacõaroja. Quẽnaro mani ñnase bojaami Dios. **16** Ado bajiro ti bajijare, to bajise m̃are gotibũ yũ: “Cristore ajitirũnũgõ yũ ñajare, yũ manajũ yũ rãca ñ ñacõa ñajama, Cristore ajitirũnũcoarũcũmi ñ quẽne”, yimasimenaja m̃a. Ñm̃a quẽne, “Cristore ajitirũnrã yũa ñajare, yũa manajoa yũa rãca ñna ñacõa ñajama, Cristore ajitirũnũcoarũarãma ñna quẽne”, yimasimenaja m̃a, ñna bajirotire masimena ñnari.

**17** To bajiri Cristore ajitirũnũmena ñna bojarore bajiro ñna yicõa ñaboajaquẽne, manijũarema Cristore mani ajitirũnũsorijũne ricati rĩne mani ñnrotire manire ñjoyumi Dios. To bajiro ñ yire ñajare, manire ñ cũriarore bajirone mani ñacõa ñajama, quẽnaja. To bajiro rĩne gotirũgũaja yũ, tocãrãca macariana Cristore ajitirũnrãre. **18** Tire yũ gotijama, ado bajise tũoĩacõari yaja: Cristore m̃a ajitirũnrõto rĩjorojũne judío masa ñnari, circuncisión yiecoriarã ññaũja m̃a. To bajiri m̃a rãcana, “Judío masa ñnaama’ yĩaroma” yirã, circuncisión yiyamanare bajiro ñnarũrũgũrãja m̃a. Ti ñnure yibeticõaña m̃a. M̃a ñnariarore bajiro ñacõaña. Gãjerãma, Cristore m̃a ajitirũnrõto rĩjorojũne, circuncisión yiecobetiriarã ññaũja m̃a, judío masa me ñnari. M̃a rãcana, “Judío masare bajiro circuncisión mani yirotijama, quẽnaroja”, yitũoĩarãma. “Ti ñnure yibeticõato ñna”, yaja yũ. **19** Circuncisión yiecoriarã mani ñajama, mani ñnabetijaquẽne, no yibeaja. Dios ñ bojarore bajiro mani yisejũa ñaja

ñamasusema. **20** To bajiri “Cristore mani ajitirũnũsorijũne tocārãcũre Dios manire ĩ cũriarore bajirone mani ñacõa ñajama, quẽnaja”, mũare yaja yũ. **21** Cristore mũa ajitirũnũroto rĩjorojũne, gãjerãre moabosarimasa ñañuja mũa. To bajiri adirũmũrire quẽne to bajirone mũa moabosacõa ñajama, tũoĩare-jaibesa. To bajiboarine, mũa ƣjarã, “Mũa masune moamasirũarãja” mũare ĩna yijama, ĩnare vaveocõari, mũa masu mũa bojare bajiro moarũarãja mũa. **22** Gãjerãre moabosarimasa ĩna bojase rĩne yiriarã ñaboarine, Cristore mũa ajitirũnũsorijũne, Satanás ĩ bojasere yitũjacõari, Dios yarãjũna ñacoasuja mũa. Gãjerãre moabosarimasa me ñariarã quẽne, Cristore ĩna ajitirũnũsorijũne, Cristo yarã ĩ bojasejũare yirã ñacoasuma ĩna. **23** “Yũ yarã ñato” yigũ, Satanás yarã mũa ñaboarone, ĩ macũ ĩ rijare sũorine, “Yũ yarã ñaama”, mũare yiyumi Dios. To bajiri gãjerã, Dios ĩ bojabetire mũare ĩna yirotisere ĩnare cũdibetiroti ñaja. **24** To bajiri Cristore mani ajitirũnũsorijũne Dios manire ĩ cũrere mani yicõa ñajama, quẽnaja.

**25** Gajeye, manajũ mana, manajo mana mũa sãnĩacõarere mũare cũdiaja yũ. Mani ƣjũ yũre ĩ yirotire me ñaja ti. Yũ masune tũoĩacõari, mũare gotigũ yaja. Mani ƣjũ, yũre ĩamai-cõari, yũre ejarẽmorũgũami, “Quẽnaro riojo tũoĩagũ ñato” yigũ. To bajiro yũre ĩ yijare, yũre mũa ajitirũnũjama, quẽnaja. **26** Cristore ajitirũnũrã ñari, bũto rojose yiecorã ñaja mani. To bajiri, ado bajiro ñaroti ñaja: Manajo mana, to yicõari manajũ mana, mũa ñacõajama, quẽnaja. **27** Manajoa cũtirã, manajũ cũtirã quẽne, gãmerã reabesa. Manajo mana quẽne, manajo macabesa. Manajũ mana quẽne, manajũ macabesa. **28** To bajiro yũ gotisere ajiboarine, ĩ manajo cũtijama, to yicõari rõmio quẽne, so manajũ cũtijama, rojose yirã me yirãma ĩna. To bajiboarine manajoa cũticõari, rojose ĩna tãmũojama, bũtobũsa josari ñarũaroja ĩnare. Tire, bũtobũsa rojose ĩna tãmũosere bojabesũ ñari, “Manajũ mana, to yicõari manajo mana mũa ñacõajama, quẽnaja”, mũare yibũ yũ.

**29** Quẽnaro tũoĩañã yũ mairã. Ado bajise yigũ, “Mũa ñariarore bajirone mũa ñacõajama, quẽnaroja”, mũare yibũ yũ: Cristo ĩ ejarotirũmũ cõñaro masu bajiaja. To bajiri manajo cũtirã, rõmia manajũna cũtirã quẽne, manajo mana mũa ñariarore bajirone ñacõari, Cristo ĩ bojasejũare yĩnarũgũroti ñaja mũare. **30** Sũtiritirã, mũa sũtiritisere bũto tũoĩabesa. Variquẽ-



narã quêne, mũa variquēnasere tũoĩabesa. Gajeyeũni bũjarã quêne, mũa cũosere tũoĩabesa. “Adigodoju yoaro meaca catiruarãja mani” yitũoĩarã ñari, to bajiro bajiya. **31** Adigodoaye yoaro me jediroti ti ñajare, bũto tire tũoĩabesa. Ñamasuse me ñaja ti. Tire mũa tũoĩajama, Cristo ï bojasejuare quēnaro yimasimenaja mũa.

**32** Adigodoayere bũto mũa tũoĩasere bojabeaja yũ. Manajo magũma, Cristo ï bojasejuare bũto tũoĩagũmi, ñajediro ï yisere ï ïavariquēnarotire bojagu ñari. **33** To bajiboarine, manajo cutiguma, adigodoayere bũto tũoĩagũmi, ï manajo so variquēnarotire bojagu ñari. **34** To bajiri Cristo ï bojasere tũoĩa, to yicõari, ï manajo so bojasejuare quêne tũoĩa, yigũmi. Jũa vãme tũoĩare ñaroja ïre. To bajicõari, manaju magõma, Cristo ï bojasejuare bũto tũoĩagõmo, ñajediro so yisere ï ïavariquēnarotire bojago ñari. To bajiboarine, manaju cutigoma, adigodoayere bũto tũoĩagõmo, so manaju ï variquēnarotire bojago ñari.

**35** “Manajo cutiruagu manajo cutibeticõato” yigu me, tire mũare gotiaja yũ. “Quēnaro tũoĩacõari, manajo cutiato ñna” yigu, tire gotiaja yũ. Dios ï bojase rĩne mũa yĩnasere bojaja yũ.

**36** ï manajo cutiroco ñario rãca, sore bũto bojagu ñari, manajo cutiato. To bajiro ï yijama, rojose yigu me yigũmi. **37** To bajiboarine, “Manajo cutibetirũcũja” yiguma, manajo cutibeticõato. To bajiro bajigu ñari, gãjerãre quêne, ï ajeriarã cutibetijama, quēnaja. **38** To bajiri ï manajo cutiroco ñario rãca, manajo cutiguma, quēnaro yigu, yigũmi. “Manajo cutibetirũcũja” yigujũama, ï rētoro quēnaro yigu, yigũmi.

**39** Manaju cutigo, so manaju ï catiñarõ cõro ï rãca ñacõa ñarõco ñaamo maji. ï rijato beroju, gãjire, no so bojagũre, mani ujuare ajitirũnũgũre, manaju cutiruocomo. **40** To bajiboarine, “So manaju ï rijato bero, gãjire so manaju cutibetijama, rētoro quēnaro ñagõmo”, yitũoĩaja yũ. Yũ quêne, Espĩritu Santore cũogũ ñaja yũ. To bajiri quēnaro tũoĩacõari, to bajiro mũare gotiaja.

**“Jesũre ajitirũnũrãre ñnare yirobetiroti ñaja”, yire queti**

**8** 1 Quēna gajeye mũare gotiguagu yaja yũ. Vaibũcũrãre sãacõari, “Ado bajirã ñarãma” yiquēnorujeoriarã tũjũre ñnare rũcũbũorã, mojoroaca vaibũcũ riire cũrũgũama. To yicõari, rũyasere barũgũama. To bajiri, ñna yisere ïacõari, “Socarã

yama. Ìna rŭcubuoarã manama” yimasirã ñari, “Yua quêne, yua bajama, quēnacōaja”, yirãja mña. To bajiro mña yijama, gãjerã, “Tire babetiroti ñaja manire” yituoïaboarãjua ñare ñamaimenane, “Ìna rētoro ñamasurã ñaja yua” yirãre bajiro yaja mña. To bajiro yimenane, ado bajirojua yiroti ñaja: “Ìnare ñamaicōari, ñare ejarēmoroti ñaja, ‘Bũtobusa Diore ajitirũnũato ña’ yirã”. **2** Masijeobetiboarine, “Quēnaro masigũ ñaja yu” sīgũ ï yiboajama, ruyacōaroja ñre, quēnaro riojo ï masiroti. **3** Diore ï maijama, ï bojarore bajiro yigu ï ñajare, “Quēnaro masigũ ñaami”, ñre yĩamasigũmi Dios.

**4** Yirũcubuoarã ña quēnorujeose ñie vaja maja. “Dios sīgũ ñaami, mani rŭcubuoũ. Gãjerã ñre bajiro bajirã manama”, yimasiaja mani. **5** Gãjerã ña gotijama, “Jãjarã ñarãma mani yirũcubuoarã. Õ vecana, adigodoana quêne ñarãma”, yituoïaboarãma. **6** To bajiro ña yiboajaquêne, “Dios sīgũne ñaami mani jacũ”, yimasiaja mani. Ñe ñaami ñajediro, “Yu bojasere yato ña” yigu, manire rujeorí. To bajicōari, Jesucristo sīgũne ñaami mani çju. Jesucristo suorine ñajediro rujeoyumi Dios. To bajiri ï siaecore suorine Dios yarã ñaja mani.

**7** To bajiro yirã mani ñaboajaquêne, gãjerã ñaama Cristore ajitirũnrã ñaboarine, mani tuoïarore bajiro tuoïamena. Ña ñaama, Cristore ña ajitirũnũroto rĩjoroju, “Ado bajirã ñarãma” ña masune yiquēnorujeocōari, rŭcubuoarũgũriarã. To bajiro yirũgũriarã ñari, ado bajiro tuoïarãma: “Vaibũcũrãre sĩacōari, ‘Ado bajirã ñarãma’ yiquēnorujeoriarã tũjũre ñare rŭcubuoarã, mojoroaca vaibũcũ riire ña cũsere mani bajama, rojose yirã yaja mani”, yituoïarãma. **8** To bajiro ña yijama, riojo tuoïarã me yama. Mani bajama, mani babetijaquêne, ñamasuse me ñaja, Dios ï ñajama. “Tire mani babetijama, rēto-bũsaro manire ñavariquēnarũcũmi Dios”, yire maja. **9** “Mani base jediro quēnase rĩne ñacōaja” yirã ñaboarine, babetirũarãja mña. Gãjerã Cristore ajitirũnrã, “Ìna basere mani bajama, ‘Rojose yirã yaja yua’ yituoïacōari, rojose tãmuotũjabetiriaroju vatoma ña” yirã, tire babetirũarãja mña. **10** To bajiro yu yijama, ado bajiro yigu yaja yu: “Babetiroti ñaja” gãji ï yisere mña baro ñacōari, “Yu bajama, quēnabetoja” yituoïaboarine, bagũmi ï quêne. **11** Cristore ajitirũnrã ñaboarine, mña tuoïarore bajiro tuoïamenare quêne rijabosagu bajiyumi, “Yu rãca quēnaro ñato” yigu. To bajiri, “Mani base jediro quē-

nase rīne ñacõaja” m̃ua yise s̃uorine m̃ua mairona ñaboarã ña quẽne ña bajama, “Rojose yirã yaja ỹua” yit̃uoĩarã ñari, rojose tãmuot̃ujabetiriaroju vanama. **12** M̃ua rãcag̃u Cristore ajitirũnugũ, “Babetiroti ñaja” ï yĩaboasere m̃ua bajama, rojose ïre yiorã yirãja m̃ua. To bajiro m̃ua yijama, ï sig̃ũrene rojose yirã me, yirãja m̃ua. Cristore quẽne rojose yirã yirãja. **13** To bajiri, “Vaib̃uc̃u rii ỹu bajama, Cristore ajitirũnugũre rojose ïre yirog̃ure bajiro yig̃uja ỹu” yit̃uoĩagũ ñari, baĩobetiroti ñaja.

**“Jesucristo ï cõarĩ me ñaami Pablo” ña yirere Pablo ï c̃udire**

**9** **1** Ỹu bojarore bajiro yimasigũ ñaboarine, Jesucristo ï boja-sej̃uare yig̃u ñaja ỹu. Jesús, manĩ ɸj̃re ĩacac̃u ñaja ỹu. Gãjerãre ï cõas̃uoriarore bajiro ỹure quẽne cõacami. Ỹure ï gotiroticõacati s̃uorine ïre ajitirũnrã ñaja m̃ua. **2** “Jesucristo ï cõarĩ me ñaami Pablo” gãjerã ña yiboajaquẽne, m̃uaj̃uama, m̃uare ỹu gotimasios̃uocati s̃uorine Cristore ajitirũnrã ñari, “Jesucristo ï cõarĩ ñaami”, yiroti ñaja m̃uare.

**3** “Jesucristo ï cõarĩ me ñaami Pablo” ỹure yirãre ado bajiro ñnare c̃udiaja: **4** Ỹu Pablo, to yicõari, Bernabé quẽne, Jesús ï cõacana ñaja ỹua. To bajiri gãjerã Jesús ï bajirere gotimasiorãre ña baroti, to yicõari, ña idirotire m̃ua ĩsirũgũrore bajirone ỹuare quẽne ĩsiroti ñaja. **5** Pedro, ï rãcana quẽne Cristo ï gotiroticõariarã, to yicõari, manĩ ɸju Jesús bederã quẽne, Jesúre ajitirũnrãre manajoa c̃uticõari, ña rãca varũgũama. To bajiro ña bajijare, ña manajoare quẽnaro codebosarũgũaja m̃ua. To bajiri “Ỹua quẽne, manajo c̃uticõari, vamasirãja”, yit̃uoĩaja ỹua. **6** Jesús ï bajirere gotimasiodirimasa gajeye moare moamenane, “Quẽnaro ỹuare gotimasioato” yirã, ñnare m̃ua ejarẽmoriarore bajiro yimenane, “Ña masune moacõari, vaja yato ña ñarotire”, ɸyit̃uoĩati m̃ua, ỹuarema? **7** Surara mesa quẽne, ña moare rĩne moarãma. “Ña moare ña moajama, ña ñaroti vaja ĩsiecoruarãma”, yimasire ñaja. ɸye oterimas̃uma, “Tire bar̃uc̃umi”, yimasire ñaja. Cabrare coderimas̃u quẽne, “Ña õjecoa idir̃uc̃umi”, yimasire ñaja. **8** To bajiri, “Manĩ moase s̃uorine quẽnase b̃ujaroti ñaja”, yimasire ñaja. To bajiri, Dios ocare masa ña ucamasire quẽne, tire bajiro gotiaja. **9-10** Ado bajiro gotiaja Moisés ñamasirĩre Dios ï roticũmasire: “Ta vec̃u risere siabibebesa, trigo gasere ïre m̃ua c̃uda jãnerotijama, ‘Ï quẽne bato’ yirã”, yigotiaja. To bajiro ï gotijama, ta vec̃ua rĩrene t̃uoĩagũ me

yimasiñumi Dios. Mani jedirore tuoñacõari, yigũ, yimasiñumi. Vese moarã, to yicõari, gãjerã ãna otere rica juarãre quẽne, “Mani moase suorine quẽnase bujaruarãja’ yimasiato” yigũ, tire yimasiñumi Dios. **11** Jesús ã bajirere muare gotimasiosuocaju yua, “To bajiro mani yise suorine Cristore ajitirũnurãma sigũri” yirã. Muare yua gotimasiojama, ote ajere oterãre bajiro muare yicaju yua. To bajiri yua gotimasiocati suorine Cristore ajitirũnurã ñari, yua otecatiricare bajiro bajirã ñaja mua. To bajiro bajirã mua ñajare, yua gotimasiocati vaja, muare yua sãnijama, ¿vaja yiroti me ñaboayujarique? **12** Gãjerã Cristo ã bajirere ãna gotimasiojare, ãnare vaja yirũgũrãja mua. To bajiri, muare gotimasiosuocanare roque, ¿ãnare mua ãsiro rẽtoro yuare vaja yiroti me ñatique?

To bajiro yiroti ti ñaboajaquẽne, muare vaja sãnibeticaju yua. Buto josari yua moarũgũcati ti ñaboajaquẽne, “Yuare ejarẽmoña”, muare yibeticaju yua, “Gãjoa bojarã, Jesús ã bajirere gotimasioama’ manire yiroma” yirã. **13** Diore yirũcũbuoriaviju ãre rũcũbuorã, bare ãna cũsere ti vi moarimasa ñari, ãna baroto cõro juacõari, barũgũama. Tire masiaja mua. **14** “Tire bajirone bajiruaroja yu ocare gotimasiodirimasare quẽne. ãna gotimasiose vajane bacatiruarãma”, yiyumi mani uju Cristo. **15** To bajiro ã yirere masigũ ñaboarine, muare vaja sãnibeticaju yu. Sãnibeticacũ ñari, “Yucũja yure vaja yiya” muare yiucagũ me yaja yu. Buto ñiorijagũ ñaboarine, muare bare sãnibecũ rĩne, rijacoarucũja yu. To bajiri, Jesucristo ã bajirere yu gotimasiodijama, vaja sãnibetirũgũaja. “Vaja taami Pablo’ gãjerã ãna yisere bojabecũ ñari, vaja sãnibeticaju”, yivariquẽnaja yu.

**16** Cristo ã bajirere gotimasioigũ ñari, “Ñamasugũ ñaja yu”, yituoñabetirũgũaja. Jesucristo yure ã gotiroticati ñaja yu moare. Tire yu gotimasiobetijama, rojose tãmũobogũja. **17** Jesucristo yure ã gotimasiorotibetone, yu masu “ã ocare gotimasiodirucũja” yu yijama, “Yu gotimasiose vaja, quẽnase bujarucũja”, yituoñabogũja yu. To bajiboarine, Jesucristo yure gotimasioroticõacami. To bajiri quẽnase yu bujajama, yu bujabetijaquẽne, no yibeaja ti. ã ocare gotimasiocõa ñaroti ñaja yure. **18** To bajiro ti bajijare, vaja sãnibecũne, Jesucristo ã bajirere gotimasio variquẽnarũgũaja yu, vaja sãniroti ti ñaboajaquẽne.

**19** To bajiri yu gotimasiose vaja, yure vaja yimena ñari, rotimasibeama masa. Yure ña rotimasibetiboajaquene, “Jājarābusa Cristore ajitirūnato” yigu, ña ñavariquēnarore bajiro bajiñarūgūaja yu. **20** Judío masa tujū yu ñajama, Cristore ña ajitirūnurotire bojagu ñari, ñare bajiro bajiñaja yu quene. To bajiro yu yijama, ado bajise yigu yaja yu: Moisére Dios í roticūmasirere ajirūcubhorā tujū yu ñajama, “Cristore ajitirūnato” yigu, ña yirūcubhorore bajiro yirūgūaja. “Tire quēnaro mani ajirūcubhojama, manire ñavariquēnarucumi Dios” ña yituoñarore bajiro tuoñagū me ñaboarine, to bajiro yirūgūaja yu. **21** Judío masa me ñarā tujū yu ñajama, “Cristo ocare yu gotimasiosere ajitirūnato” yigu, ña ñasere bajiro ñacōari, ñare gotimasiorūgūaja. To bajiro yu bajijama, Dios í bojabetire yigu me bajiaja. Jesucristore ajitirūncōa ñarūgūaja yu. **22** “Manire ejarēmorcumi Cristo” yituoñaboarine, tuoñagūirā tujū yu ñajama, ñare bajiro bajiñaja yu quene, “Yu gotisere ajivariquēnacōari, butobusa Cristo ocare ajitirūnato” yigu. “Sīgūri yu gotimasiosere ajicōari, Cristore ajitirūnato” yigu, yu yimasiro cōro yirūgūaja yu. **23** “Cristore mua ajitirūnūjama, rojose tāmnotujabetiraroju mua vaborotire muare yirētobosarucumi’ yire quetire ajijedicōato masa” yigu, to bajiro yirūgūaja. To bajiri, “Gājerā Cristore ajitirūnrāre Dios quēnaro í yiotire bajiro yure quēne quēnaro yato” yigu, to bajiro yirūgūaja yu.

**24** Cristore ajitirūnrā, Dios quēnaro manire í yiotire mani bojjama, josari yirūgūroti ñaja. Ūmatimarā cōro buto ña ūmaboajaquene, sīgū ñagūmi ña rētoro ūmacōari, quēnase bujarocu. To bajiri mani quēne, gājerā rētoro ūmagūre bajiro mani yimasiro cōro yirūgūroti ñaja, quēnase mani yise vaja, Dios quēnaro manire í yiotire bojarā ñari. **25** To bajiri, í ūmaroto rījoroju ne quēnaro ñayucōagūmi. To bajiro í bajijama, yoaro mene rojoribedo ti ñaboajaquene, “Gājerāre ūmarētocōari, bujagusa” yigūne bajicōagūmi. To bajiro í bajijosase ūnire yirāne, Cristore ajitirūnrā quēne í bojarore bajiro mani yisere ñacōari, yayiroti mejuare manire í ñsirotire bojarā, quēnaro yirūgūaja mani. **26** Quēnase mani bujaroti, yayiroti me ti ñajare, yu yimasiro cōrone Dios í bojarore bajiro yiñarūgūaja yu. Ūmagū í ūmagajanorotijū rīne tuoñacōari ūmagūmi. Ire bajiro bajiaja yu quēne, Dios quēnaro yure í yiotire boja-

tuoïagũ ñari, ï bojarore bajiro yiñarũgũaja yu. Quëarimasu ñaboarine, quënarò ñose ejobecumi. Yũjama, quënarò ñose ejobure bajiro bajigu ñari, Dios quënarò yure ï yiroti rĩrene tuoïagũ, Dios ï bojarore bajiro yirũgũaja yu. **27** To bajiri, yu gotimasiorãre quënarò Dios ï yirotire yu gotiboajaquëne, “Rojose yure yiromi” yigu, yu bojasere yiruaboarine, ï bojasejũare yirũgũaja.

**“Rũcubuoarã ña quënorujeoriarãre rũcububesa”, yire**

**10** Adire masiritibesa mua: Judío masa yua ñicua, Moisés ñamasirire suyamasiriarã ña bajimasirere masiritibesa. “Egiptoana ñare siabeticõato” yigu, Dios ï masise rãca buerine yua ñicũare buebibecõamasiñuju. To ï yijare, jediro jëacoamasiñujarã riaga, Oco Sũarisa vãme cutiya, gajejacatũajũ ñare rudirã. **2** To bajiro ña bajijama, “Moisere ajitirũnũrã ñaja yua” yiõrã bajimasiñujarã ña. **3** Ña jëaro bero, ña jediro õ vecaye manã vãme cuti Dios ï cõarere barũgũmasiñujarã. **4** To yicõari, ña idicatirotire yigu, gũtajure oco budirotimasiñuju Dios. Ti oco ña idise quënase ñamasiñuju. Jesucristo quëne, gũtare bajiro ñagũ quënasere cõagũ ñacoayumi. To bajicõari, gũta suorine ña catijama, Cristo, ruyubetiboarine, ñare ï ïatirũnjare, ña jedirone quënarò ñacoayuma. **5** Quënarò ñare ï ïatirũnũboarone, jãjarã rojose ña yijare, ñare ïavariquënetimasiñuju Dios. To bajiro ña yisere ïavariquënabecu ñari, “Ujorucũja” ñare ï yiboaria sitajũ ña ejabetone, “Yucã manojũne bajireacõãña mua”, ñare yimasiñuju Dios.

**6** To bajiro ña bajimasire ñajare, “Dios ï bojabetire mani yijama, ñare ï yimasiriarore bajiro manire quëne yiromi Dios” yimasirã ñari, mani yibetijama, quëna. **7** To bajiri yua ñicua sigũri, “Ado bajigu ñagũmi” yiquënorujeocõari, ña rũcubuoamasiriarore bajiro rũcububesa mua. Yua ñicua, ña rũcubuoamasirere ado bajiro gotiaja Dios ocare Moisés ï ucamasire: “‘Ado bajigu ñagũmi’ yiquënorujeocõari, ‘Ire rũcubuoarã yaja’ yirã, barujiyuma. To yicõari, idiyuma. To yigajapocõari, basavariquënacama”, yigotiaja Dios ocare Moisés ï ucamasire, Dios ï bojabetire ña yimasirere gotiro. **8** To yicõari, gajeye yua ñicua sigũri, rõmia rãca gãmerã ña ajeriarã cutimasire ñnire yibetiroti ñaja manire. To bajiro ña yijaise vaja, cojorũmũne veintitres mil ñarãre bajirearotimasiñuju

Dios. To bajiri ñnare ï yimasiriarore bajiro, “Manire quêne yiroimi” yirã, yibetiroti ñnaja. **9** “Rojose mani yijama, rojose manire yirucumi” yituoïaboarine, rojose yitujamena ñnari, ãña cûnieco, bajireacoamasiñujarã ñna. To bajiri, “Rojose tãmurobe” yirã, ñna yimasiriarore bajiro yibetiroti ñnaja manire. **10** Yna ñicna sigûri Diore ñagõmacamasiñujarã. To bajiro ñna yise suorine ï tuagure ñnare siarearoticõamasiñuju Dios. To bajiri ángeljua ñnare siareacõamasiñuju. “Manire quêne to bajiro yirotiromi Dios” yirã, ñre ñagõmacabetiroti ñnaja.

**11** “To bajise rojose yna ñicna ñna yimasiriarore bajiro mani yijama, ñnare ti bajimasiriarore bajiro bajiruaroja manire quêne”, yimasiaja mani. Adirodoriana, mani tuoïamasiroti-re yigû, ñna bajimasirere Moisére ucarotimasiñumi Dios. **12** To bajiri, Cristore quênaro ajitirûnugûma, quênaro tuoïamasiri ñnato, “Judío masa rojose ñna bajimasiriarore bajiro yure bajirobe” yigû. **13** Quênaro tuoïaroti ti ñnaboajaquêne, “‘Rojose yirûabeaja’ yicõaboarine, rojose yicõaroti ñnaja”, yituoïaroti me ñnaja mûare. “Yure rojose ï rotirore bajiro mûare rotibecumi Satanás”, yiroti me ñnaja. Gãjerãre rojose ï yirotiore bajiro rïne manire yirotirûgûami. Rojose manire ï yirotiaboajaquêne, “Tire yibeticõari, yû bojasejûare yirã ñnato” yigû, manire ejarëmogûmi Dios.

**14** To bajiri yû mairã, “Judío masa rojose ñna bajimasiriarore bajiro manire bajirobe” yirã, quênaro tuoïamasiri ñña mûa. “Ado bajirã ñnarãma”, ñna masune yiquênorujeocõari, ñna rûcûbûorãre rûcûbûobeticõaña. **15** Quênaro tuoïamasirã ñnari, mûare yû gotisere ajicõari, “Riojo gotiami Pablo”, yituoïamasiruarãja mûa. **16** Cristo manire ï rijabosarere tuoïarã, yue ocore mani idiroto rïjoro, “Quênaja” Diore yicõari, mani idijama, ¿Cristo riire idirã me yatique mani? Pan mani baroto rïjoro, “Quênaja” Diore yicõari mani bajama, ¿Cristo rujû riire barã me yatique mani? To bajiro mani yijama, “Manire ejarëmogûmi”, yituoïaja mani. To bajiro mani yisere ñacõari, bûto-bûsa manire ejarëmogûmi, “Yure ajitirûnûato” yigû. **17** Jãjarã ñnaboarine, pan cojane batecõari, baja mani. To bajiro yirã ñnari, ï yarã ñnaja mani jediro.

**18** Judío masa, Diore rûcûbûorã, vaibucûrãre siacõari, mojoroaca soemûorãma. To yicõari, ruyasere barãma. Tire ñna bajama, “Manire ejarëmogûmi”, yituoïaama ñna. To bajiro

Îna yisere Îacōari, “Butoḃusa yure ajitirũḃnato” yigũ, Înare ejarẽmogũmi Dios. To bajirone tũoïarãma, “Ado bajirã ñarãma” Îna masune yiquẽnorujeocōari, rũcũḃuorã quẽne. **19** To bajiro yũ yijama, “Catirã ñarãma Îna quẽnorujeoriarã” yigũ me yaja. To yicōari, “Înare rũcũḃuorã vaibũcũ rii Îna cũse ñamasuse ñaja” yigũ me yaja. **20** Ado bajirojũa yigũ yaja yũ: Diore masimena, Îna quẽnorujeoriarãre Îna rũcũḃuojama, vãtiajũare rũcũḃuorã yirãma. To bajiri, vãtiare mũa ejarẽmosere, to yicōari, vãtiajũa quẽne, Înare mũa ajitirũḃnurotire yirã, mũare Îna ejarẽmorotire bojabeaja yũ. **21** To bajiri mani ɸjũre rũcũḃuocōa, vãtiare quẽne rũcũḃuocōo mani yijama, quẽnabeto-ja. To bajiro yibetiroti ñaja manire.

**22** To bajiro mani yijama, Îajũnisinirũcũmi mani ɸjũ. Î rẽtoro masirã me ñaja mani. To bajiri, “Rojose mani yise vaja, rojose Î yijama, rudimasibetirũarãja mani”, yimasiaja.

### “Mani ñaroti rĩne tũoïaroti me ñaja”, yire queti

**23** Ado bajiro yisere ajirũgũaja mũa: “Mani bojarore bajiro yimasiaja”, yigotiaja. To bajirone bajaaja, bajirojũma. Jediro mani yise manire ejarẽmobeaja. To bajiro mani yijama, “Gãjerã, Dios Î bojarore bajiro yirã ñato” yirã me, yirãja mani. **24** Mani masu quẽnaro mani ñaroti rĩne tũoïaroti me ñaja. Gãjerã quẽnaro Îna ñarotire quẽne tũoïarũgũrũarãja mani.

**25** Vaibũcũ rii Îna Îsirijũ ñasere vaja yicōari, “Rojose ñarolja” yitũoïamenane, mũa bajama, quẽnaja. “¿Îna quẽnorujeorĩre rũcũḃuorã Îna cũrũare ñati adi?”, yisẽniĩabeja. Dios ocare masa Îna ucamasire ado bajiro ti gotijare, “Sẽniĩabetiroti ñaja”, mũare yaja yũ: **26** Adĩ macarũcũroaye jediro Dios Î rujeore ti ñajare, bare ñaro cõrone mani bajama, quẽnaja.

**27** Cristore ajitirũḃnũbecũ, “Yũ tũ barã vayã” yicōari, no bojase Î ecasere mũa bajama, quẽnaja. “¿Îna quẽnorujeorĩre rũcũḃuorã vaibũcũ rii Îna cũrũare ñati adi?” yisẽniĩamenane, mũa bajama, quẽnaja. **28-30** “Tire mani bajama, quẽnaja” mũa yitũoïajama, gãji magũmi, “Rojose yirã yaja mũa” yigũ. Îna quẽnorujeorĩ tũjũ Îna cũrũare riire, “Quẽnaja” Diore mũa yisẽniro bero mũa bajama, rojose yirã me yirãja mũa. To bajiboarine, Cristore ajitirũḃnũgũ, “Îna quẽnorujeorĩ tũjũ Îna cũrũare rii ñaja, mani babeti” Î yigotijama, babeja. **31** To bajiri mani bajama, mani babetijaquẽne, mani idijama, mani idi-



betijaquêne, no bojase mani yijama, Dios ï bojarore bajiro yiruarāja mani, ïre rŭcubŭorā. **32** Gājerāre ïamaimenane mani bojarore bajiro mani yisere ïacōari, “Ïna quêne rojose yiroma” yirā, yibetiroti ñaja. **33** Tire mŭare yŭ gotirore bajiro yirŭgŭaja yŭ. To bajiro yigŭ ñari, yŭ masu yŭ bojasere yibecŭne, yŭ rācana jediro ïnare yŭ ejarēmorotijŭare tŭoïacōari, yirŭgŭaja yŭ, “Yŭ yise sŭorine Cristore ajitirŭnŭcōari, rojose tāmŭotŭabetiriaroju ï yirētobosarā ñato” yigŭ.

**11** **1** To bajiri, “Cristo ï bajiñariarore bajiro yiroti ñaja” yitŭoïacōari, yŭ yimasiro cōro yirŭgŭaja yŭ. To bajiri mŭa quêne, yŭ bajiñarŭgŭisere tŭoïacōari, mŭa yimasiro cōro yirŭgŭiroti ñaja.

**Rējariavijŭ Diore sēnirā, ï ocare gotirā, rōmia ïna bajiroti queti**

**2** “Jediro yŭ gotimasiocatire masiritimenane, ajitirŭnŭcōa ñarāja mŭa”, yivariquēnaja yŭ. **3** To bajiro yigŭ ñaboarine, gajeye mŭare gotimasioaja yŭ. Rējacōari, Diore mŭa rŭcubŭose, “Ado bajirojŭa yiroti ñaja”, mŭare yigotigŭ yaja yŭ: Tocārācŭre rotigŭ ñari, mani rŭjoare bajiro bajiami Cristo. To bajirone bajiaja rōmia manajŭa cŭtirāre. Ïna manajŭa, ïna rŭjoare bajiro bajirā ñarāma, ïnare rotirā ñari. To bajirone bajiaja Cristore quêne. ï jacŭ, ï rŭjoare bajiro bajigŭmi, ïre rotigŭ ñari. **4** To bajiro ti bajijare, rējariavijŭ, rŭjoa jeoriarori jeocōari, Diore ïna sēnijama, Dios oca ïna gotijaquêne, Cristore rŭcubŭomena yirāma. **5** Rōmiajŭama, ïna rŭjoa jeoriarori jeomenane Diore ïna sēnijama, Dios oca ïna gotijaquêne, ïna manajŭe rŭcubŭomena yirāma. Ïna rŭjoa jeoriarori ïna jeobetijama, joa suagoriarāre bajiro bajirā ñarāma, ïnare rŭcubŭomena ñari. **6** To bajiro ti bajijare, “Rōmia manajŭa cŭtirā ïna rŭjoa jeoriarorire ïna jeorŭabetijama, ïna joare suagoroti ñaja”, mŭare yaja yŭ. To bajiro yŭ yijama, “Bojoneose ti ñajare, rŭjoa jeoriarorire jeoato” yigŭ yaja. **7** To bajiri ŭmŭa, Diore ïna sēnijama, ï ocare ïna gotijaquêne, rŭjoa jeoriarorire jeobetiroti ñaja, “Yŭre rotibosacōari, yŭre rŭcubŭoato” yigŭ, Dios ï rujeoriarā ñari. Rōmiajŭama, “Ūmŭare rŭcubŭoato” yigŭ, Dios ï rujeorio ñaamo. **8** Rōmio gōarore āmicōari, ŭmŭare rujeobesumi Dios. Ūmŭ gōarojŭare āmicōari, rōmiore rujeomasinŭmi Dios. **9** “Rōmiore ejarēmoato” yigŭ me, ŭmŭare rujeomasinŭmi Dios. Rōmiojŭa, ŭmŭare ejarēmoato yigŭ,

rujeomasĩnumi. **10** To bajiro bajimasire ti ñajare, ñna mana-  
 jũare rũcũbũorã, rũjoa jeoriarori ñna jeojama, quẽnaja. To  
 bajiro ñna yijama, “Dios ñ bojarore bajiro yama, ñna manajũare  
 rũcũbũorã”, yĩavariquẽnarũarãma ángel mesa. **11** Ñmũare  
 quẽne, rõmiare quẽne rujeoyumi Dios. Rõmia ñna manijama,  
 quẽnaro ñamasimenama ñmũa. Rõmia quẽne, ñmũa ñna mani-  
 jama, quẽnaro ñamasimenama. **12** Ñmũ gõarone rõmiore Dios  
 ñ rujeomasirio so ñaboajaquẽne, ñmũa, rõmia sũorine ñna  
 ruyuase ti ñajare, “Gãmerã ejarẽmoroti ñaja”, yaja mani. To  
 bajicõari, mani jediro ñaja Dios ñ rujeoriarã.

**13** Mũa masune quẽnaro tũoĩamasĩna. “Rẽjariavijũ Diore  
 sãnirã, ñ ocare gotirã quẽne, rũjoa jeoriarori jeomenane rõmia  
 ñna yĩñajama, quẽnabeaja”, yimasirãja mũa. **14** “Ñmũa yoese  
 ñna joa cõtijama, bojoneose ñaja”, yitũoĩaja mani. **15** Rõmia-  
 jũarema, “Yoese joa cõtirã ñaama”, yitũoĩaja mani. “Ñna joa  
 ñna rũjoarire bũase ñato” yigũ, Dios ñ cũmasire ñajare, to baji-  
 ro tũoĩaja mani, rõmiare. To bajiri yoese ñna joa cõtijama,  
 variquẽnaama rõmia. **16** Sĩgũri to bajiro mũare yũ gotisere  
 ajicõari, “To bajiro me bajiaja” ñna yijama, “Ñajediroana Cris-  
 tore ajitirũnurãre, to bajise rĩne gotirũgũaja yũa, mũare yũ  
 gotiri vãmere”, ñnare yigotiroti ñaja.

### **Cristo ñ batũsare boserũmũre bañarã ñna rũcũbũobetire queti**

**17** Rẽjacõari, mũa basere tũoĩavariquẽnabeaja yũ. “Rẽjacõa-  
 ri bato mani” mũa yibetijama, quẽnacõaboriaroja. **18** “Rẽja-  
 boarine, ricati rĩne tũoĩarã ñnari, ricatitubuari rujicõari, gãjerã  
 rãca oca josaama”, yire queti ajiaja yũ, mũare. Ado bajiro tũoĩarã  
 mũa ñajare, “To bajirone bajirãma”, mũare yaja yũa: **19** “Mani  
 tũoĩarore bajiro tũoĩarã rãca mani rujijama, ‘Ñna ñaama Dios  
 oca quẽnaro masirã’ manire yirũarãma”, yitũoĩarãja mũa. **20**  
 Ricati rĩne tũoĩarã ñnari, “Cristo ñ batũsarere tũoĩacõari bato  
 mani” mũa yiboase, Cristore rũcũbũomena yirãja. **21** Mũa  
 juavarere gãjerãre yumenane, bajeocõarãja mũa. To bajiri jairo  
 barã, to yicõari, idimecũrã mũa ñaboajaquẽne, mũa bero ejarã  
 sũgũri bare mana ñnari, ñiorijacõa ñarãma. To bajiro yirã ñnari,  
 cojo masare bajiro bajirã ñaboarine, mũa bero ejarã rãca baba  
 cõtimasĩna manoja mũare. **22** Viri cõtirã ñarãja mũa. Mũa ya  
 virijũne bare ba, idi, mũa yijama, quẽnaja. To bajiro mũa yibe-  
 tijama, gãjerã bare cũomenare rojose yĩõrã yirãja mũa. Gãjerã

Cristore ajitirünuräre îaterã ñari, ¿to bajiro yatique mua? “‘Bare cuomenare quênaro yaja mua’ yato Pablo”, ¿yituoïaboati mua? Yibeaja yu. To bajiro mua yijama, rojose masu yirã yirãja mua.

**Mani ujü ï rijaroto rïjoro ï batusare queti**

(Mt 26.26-29; Mr 14.22-25; Lc 22.14-20; Lc 4.1-7)

**23-24** Adi mure yu gotimasiose, mani ujü ï rijaroto rïjoro ï batusare queti ñaja. Yure ï goticati, to yicõari, mure yu goti-rëtocati ñaja. Ado bajiro bajiaja: Mani ujure Judas ire ï îsirocaroto rïjoro, panre amicõari, “Quênaja”, Diore yiseniñuju Jesús. To yigajano, panre matocõari, ï buerimasare isibatogune, ado bajise gotiyuju ï: “Ti ñaja yu rujuri. Mure rijabosarucuja yu. Yu rijato bero, mure yu rijabosare tuoïacõari, yure rûcubhorã, ado bajirone rêjacõari, barûgûrharãja”, ñare yigotiyuju. **25** To yicõari, bare ñna baro bero, uye oco sãñari-bajare amicõari, ado bajiro gotiyuju Jesús quëna: “Adi ñaja tirûtmãana, ‘Rojose mani yirere masirioato’ yirã, Diore rûcubhorïaju joere ñna yuejeoriarore bajiro bajise. Yucurema, yu rii ñaja. Ti suorine, ‘Gajerodori ado bajiro masare quênaro yirucuja yu’ Dios ï yigotimasiriarore bajiro bajiruroja. Yu rijato bero, mure yu rijabosare tuoïacõari, yure rûcubhorã, ado bajirone rêjacõari, idirûgûrharãja”, ñare yiyuju Jesús. **26** ï rotiriarore bajirone mani bajama, mani idijaquëne, yiïorûgûroti ñaja, “Manire rijabosayumi mani ujü” yirã. ï tudiejaroyu to bajiro yitjarharãja mani.

**27** To bajiri, mani ujü manire ï rijabosarere tuoïagü, panre ba, to yicõari, uye ocore idi, yiboarine, rûcububobeti rãca ï yijama, Cristore rûcububobecu yigumi. “Cristo rii, ï rujuri quëne, ñie vaja mani ñaja” yigu yigumi. **28** To bajiri panre mani baroto rïjoro, to yicõari, uye ocore mani idiroto rïjoro, rojose mani yirere tuoïa, Diore yigoticõari, panre ba, uye ocore idi, yiroti ñaja. **29** To bajiro yibecurema, Cristo manire ï rijabosare quênaro ï tuoïabetijare, rojose ire yirucumi Dios. **30** To bajiro ti bajijare, jãjarã ñarãja mua rijaye cutirã. Gãjerãma, bajireacoana, bajireamena quëne ñarãja mua. **31** Cristo manire ï rijabosarere quênaro tuoïacõari, to yicõari, rojose mani yirere tuoïa, Diore mani yigotijama, rojose manire yibetirucumi Dios. **32** Rojose mani yise suori rojose Dios manire ï yija-

ma, “Rojose yitujacōari, yũre ajimena rāca rojose tām̄uotujabetiriaroju vabetiruarāma” yigũ yigũmi.

**33** To bajiri yũ mairā, mani ɸju manire ĩ rijabosare t̄oĩacōari panre barā, to yicōari ɸye ocore idirā m̄ua rējajama, gājerāre yucōari, ĩna ejajediro baba. **34** M̄ua rējaroto r̄joro, m̄ua ñiorijajama, m̄ua ya viriju m̄ua bajama, quēnacōaroja. To bajiro m̄ua yijama, no yigũ rojose m̄uare yibecũmi Dios.

M̄ua t̄ju ejacōari, gajeye quēnaro m̄uare gotirũcũja yũ.

**“Yũ ɸjose rāca gāmerā ejarēmomasiato” yigũ, Espiritu Santo manire ĩ yire queti**

**12** **1** Yũ mairā, gajeye Espiritu Santo ĩ masise manire ĩ ɸjose sere gotigũagu yaja yũ, “Masiato” yigũ.

**2** Diore m̄ua ajirũcũbuoroto r̄joro, m̄uare yitorimi vātia ɸju, Satanás. To ĩ yijare, “Ado bajirā ñarāma” ĩna masune yit̄oĩa quēnorujeocōari, ñagōmena ĩna ñaboajaquēne, “Rētoro masirā ñarāma” socarāne yirũcũbuorā ñañuja m̄ua maji.

**3** To bajiri, ado bajise m̄ua masisere bojaja yũ: Espiritu Santo rāca ñagũma, “Rojose tām̄uotujabetiriaroju Jesúre cōaroti ñaja”, yibecũ ñagũmi. To bajicōari, “Mani ɸju, Jesúre, Dione ñagũmi” yigũma, Espiritu Santo ĩ ejarēmose rāca tire yigũmi.

**4** “Dios ĩ bojarore bajiro yimasiato” yigũ, ĩ masisere manire ɸjoyumi Espiritu Santo. ĩ s̄igũne manire ɸjorí ĩ ñaboajaquēne, tocārācũre ricati r̄ĩne mani yimasirotire manire ɸjoyumi.

**5** Dios ĩ bojasere yirā, ricati r̄ĩne mani yimasise ti ñaboajaquēne, s̄igũne ñaami mani ɸju. **6** Ricati r̄ĩne manire ĩ ejarēmose ti ñaboajaquēne, s̄igũne ñaami manire ejarēmogũma. **7** Ado cōrone Espiritu Santo manire ĩ ɸjosere m̄uare gotigũ yaja: Tocārācũre Espiritu Santo ĩ ñajama, “Gājerāre ejarēmomasiato” yigũ, ĩ masisere ɸjogũmi.

“Espiritu Santo ĩ ɸjorí ñari, to bajiro yami”, yimasire ñaja. **8** “Quēnaro t̄oĩacōari gotimasio-gũ ñato” yigũ, ĩ yimasirotire ĩre ɸjogũmi. Gājirema, “Dios ocare quēnaro ajimasicōari, ĩnare gotimasio-gũ ñato” yigũ, ĩ yimasirotire ĩre ɸjogũmi. **9** Gājirema, “Dios ĩ masise rāca yũre ejarēmorcũmi” ĩ yit̄oĩarotire ĩre ɸjogũmi. Gājirema, rijaye c̄tirāre ĩ catorotire ĩre ɸjogũmi. **10** Gājirema, ĩañañamani ĩ yĩorotire ĩre ɸjogũmi. Gājirema, “ĩre yũ gotisere ajicōari, yũre gotirētobosarimasũ ñato” yigũ, ĩ yimasirotire ĩre ɸjogũmi. Gājirema, gājerā ĩna gotisere ajicōari, “Espiritu Santo ĩ

ejarēmojare, ñnare gotiama; vātijma ĩ ejarēmojare, ñnare gotiama” ĩ yimasirotire ĩre ɥjogumi. Gājirema, gājerā oca masibecu ñaboarine, ĩ ñagōmasirotire ĩre ɥjogumi. Gājirema, “Ti ocare buebecu ñaboarine, ajimasicōari, gotirētogū ñato” yigu, ĩ yimasirotire ĩre ɥjogumi. **11** Ricati rīne tocārācure ĩ bojarore bajiro ĩna yimasirotire ñnare ɥjogumi.

**“Cojo rujm ñaboarine, mani rujure jairo ñabateaja”, yire queti**

**12** Mani rujure jairo ñabateaja, cojo rujm ñaboarine. To bajirone bajiaja mani Cristore ajitirūnrā quēne. **13** Jediro ñaja mani. Judío masa, judío masa me ñarā quēne ñaja mani. Sīgūri gājerāre moabosarā, gājerāma, moabosamena ñaja mani. Mani jedirore oco rāca mani bautiza ecorone, manire ejayumi Espiritu Santo. To bajiri Espiritu Santo sʉorine Cristo yarā, cojo masare bajiro ñaejayuja mani.

**14** Mani rujm, cojo rujm ñaboarine, jairo vāme cutibatoaja. **15** Mani rujure, gubo ti tʉoĳajama, “Āmo me ñaja ym. To bajiri, rujmāye me ñaja” ti yiboajaquēne, rujmāyene ñacōa ñaroja. **16** Gāmoro ti tʉoĳajama, “Cajea me ñaja ym. To bajiri, rujmāye me ñaja” ti yiboajaquēne, rujmāyene ñacōa ñaroja. Tire bajirone bajiaja mani quēne. Sīgū, Cristore ajitirūnugū, gājire ĩacōari, “Īre bajiro yimasigū me ñaja ym. To bajiri Cristo ym me ñagūja ym” ĩ yiboajaquēne, Cristo ymne ñacōa ñagūmi. **17** Mani rujm ñaro cōrone, cajea rīne ti ñacōajama, ¿no bajiro ajimasirāda mani? Mani rujm ñaro cōrone, gāmoro rīne ti ñacōajama, ¿no bajiro vīnimasirāda mani? Tire bajirone bajiaja Cristore ajitirūnrāre quēne. Īre ajitirūnrā jediro, cojo vāme rīne quēnaro yimasirā mani ñajama, gaje vāme Dios ĩ bojasere yimasimena ñaborāja mani. **18** To bajiri, Dios, manire rujeosʉogujmne, mani rujm ñasere, “Adijmne ti ñajama, quēnaja” yigu, mani rujmāyere rujeoyumi. To bajiri, mani rujm, cojo rujm ñaboarine, ricati rīne ti ñabaterore bajirone bajiaja Cristore ajitirūnrāre quēne. **19** Mani rujmāye, cojone jairijuro ti ñajedicoajama, rujmāma nojma ñabetoja. **20** To bajiri mani rujmāye jairo ñabateboarine, cojo rujmne ñaja.

**21** To bajiro ti bajijare, mani cajea ti yijama, “Ñie vaja maja āmo”, yimasibetoja. Mani rujmā quēne, “Ñie vaja maja gubori”, yimasibetoja. Ñajedirone manire ejarēmoaja. Tire

bajiro bajiaja Cristore ajitirũnrãre quẽne. Cristore ajitirũnũgũ, gãjire ãacõari, “Yũre bajiro yimasigũ me ñaami. Vaja magũ ñaami”, yibetiroti ñaja. **22** Ado bajirojũa bajiaja: Mani ruju ñasere, “Adijũma ñamasuse me ñaja” mani yitũoĩaboasene ñaja ñamasuse. **23-24** Mani ruju ñasere jediro toobetiboarine, “Ñamasuse me ñaja” mani yisere, “Gãjerã ãaroma” yirã, sudine sãñatoorũgũaja mani. To bajiro mani yijama, mani ãorijũ rẽtoro tijaũre mairãre bajiro yirã yaja. “To bajirone bajiato” yigũ, to bajise manire rujeoyumi Dios. **25** Mani ruju jairo ñabateboarine, cojoro cõro ñamasuse ñaja. Mani Jesũre ajitirũnrã quẽne, to bajirone bajirã ñaja. Jãjarã ñaboarine, ñamasurã rĩne ñaja mani. To bajiri variquẽnase rãca gãmerã mairoti ñaja. **26** Mani ruju, cojojũ rojose ti tãmũojama, mani ruju jedirone rojose tãmũojedicõaja. To yicõari, mani ruju, cojojũ quẽnaro ti yiecojama, mani ruju jedirone quẽnaro yiecojedicõaja.

**27** To bajirone bajiaja mani Cristore ajitirũnrã quẽne. Tocãrãcũne ã yarã ñaja mani. Sĩgũ mani rãcagũ ã sũtiritijama, mani jedirone ã rãca sũtiritiaja. To yicõari, sĩgũ mani rãcagũ ã variquẽnajama, mani jedirone variquẽnaja mani. **28** “Jãjarã ñacõari, ricati yato ãna” yigũ, tocãrãcũre ã masisere manire mũjoyumi Dios. To bajiri ã bajirere goticudironare yũare cõacami Jesús. Gãjerã, ãre gotirẽtobosaronare cũñumi Dios. Gãjerã, Dios oca gotimasioronare cũñumi. Gãjerã, ãaãañamani yĩõronare cũñumi. Gãjerã, rijaye cõtirãre cãtionare cũñumi. To yicõari, gãjerãrema ejarẽmoronare cũñumi. Gãjerãrema, Cristore ajitirũnrãre ãmato ñaronare cũñumi. Gãjerãrema, ãna masibeti oca ñaboasere ñagõronare cũñumi. **29** “Ricati rĩne yirũarãma” ã yiriarã ñari, mani jedirone, Jesús ã bajirere goticudirã me ñaja. Mani jedirone Diore gotirẽtobosarã me ñaja. Mani jedirone, Dios ocare gotimasiorã me ñaja. Mani jedirone, ãaãañamani yĩõrã me ñaja. **30** Mani jedirone, rijaye cõtirãre cãtorã me ñaja. Mani jedirone, mani masibeti ocare ñagõrã me ñaja. Mani jedirone, mani masibeti oca ãna ñagõsere buemena ñaboarine, tire ajimasicõari, gotirẽtoburã me ñaja. **31** To bajiri, jedirone masijeobetiboarine, quẽnamasusejũare ã mũjorotire sãniãna.

To bajiro mũa yiboajaquẽne, gãjeye ñaja rẽtoro ñamasuse. Tire mũare gotigũagũ yaja yũ.

**“Gājerāre mani maise ñaja ñamasusema”, yire queti**

**13** **1** Cojo oca ruyabeto mani ñagōmasiboajuēne, to yicōari, ángel mesa yere quēne ñagōmasijoecōaboarine, gājerāre mani maibetijama, vaja mana ñarāja mani. Ñagōre me ñaroja. Buto busisere yibusiorāre bajiro yirāja mani, gājerāre mani maibetijama. **2** Diore gotirētohosarā, to yicōari, Dios ye masa ñna masibetire masijeorā ñaboarine, gājerāre mani maibetijama, vaja mana ñarāja mani. “Manire ejarēmorcumi” Cristore yituoārā ñari, gūtaure, “Gajeroju vururūgū-coasa mña masune” yimasiboarine, gājerāre mani maibetijama, vaja mana ñarāja mani. **3** “Masare ñnare maibetiboarine, maiorō bajirāre jediro yu cūosere ñnare ñsijeocōari, yu masu rujū quēne ñnare rijabosacoarucija” yu yijama, “Quēnaro yigū ñnaami” yure ñna yivariquēnasere bojagū yu yijama, Dios tūju ñie vaja bujabecūja yu.

**4** Gājerāre mani maijama, ado bajiro bajiruarāja mani: Rojose manire ñna yiboajuquēne, ñnare jūnisinimenane, quēnasejūare ñnare yiruarāja. Quēnaro ñna ñajama, “Yua rētoro quēnaro ñnaama”, yūñajūnisinirā me ñnaruarāja. “Ñamasurā ñaja yua” yirā me ñnaruarāja. **5** Quēnaro mani ñnase rī mere tuoārāja mani. Gājerā quēnaro ñna ñasere quēne tuoārāja. Gājerā rojose manire ñna yiboajuquēne, ñnare rūcubhorā, yoaro mene jūnisini tūjacoaruarāja. **6** Gājerā rojose ñna yisere ñavariquēnamenaja. Quēnaro ñna yisejūare ñavariquēnarāja. **7** Gājerā rojose ñna yijare, buto rojose mani tāmūose ti ñaboajuquēne, ñnare maitūjamena ñari, ñnare ñagōmacamenaja. Rojose ñna yiboajuquēne, quēnaro ñna yirotire tuoīacōa ñaruarāja.

**8** Gājerāre mani maise, jedise me ñaja. Diore gotirētohosarejūama, jedise ñaja. Masa ñna masibeti oca ñagōre, mani masise quēne, jedise ñaja. **9** Ado bajiro ti bajijare, “Jedise ñaja”, mñare yaja yu: Adirodori Dios ñ masise manire ñ ñjose ti ñaboajuquēne, jediro masibeaja mani. Ñre gotirētohosare Dios ñ ñjose ti ñaboajuquēne, ñajediro ajimasibeaja mani. **10** To bajiboarine, ñ tūju mani ejaro, ñ masisere manire ñ ñjolare, jediro ajimasijeocōaruarāja mani. To cōrone adirodoriaye mani masise, vaja manirūaroja.

**11** Ado bajiro bajiaja: Daquegnaca yu ñajama, ñagōjeomasibeticajū yu maji. To bajicōari, quēnaro tuoīabeticajū.

Вучуасуџу, to bajiro уџ bajicatire yitujacaju уџ. **12** Tire bajirone bajiaja adi quēne: Quēnaro ruyubetiase ēoro ĩariarore bajiro Dios yere quēnaro ajimasijeobeaja mani maji. To bajiboarine, Dios tujuma ēoro quēnaro ruyubetiase ĩarāre bajiro me Diore ĩaruarāja mani. To cōrojuma quēnaro ajimasijeocōaruarāja mani yuja.

**13** To bajiri idia vāme ñaja, adirūmuriaye ñamasuse mani yirūgūroti: Diore ajitirūnrūgūroti ñaja. Gaje vāme, “Dios ĩ gotiriarore bajiro ĩ masise manire ujojeocōarucumi”, yituoīarūgūroti ñaja. To bajicōari, tūsari vāme ñaja ñamasuri vāme, “Gājerāre mairūgūroti ñaja” yiri vāme.

### Gajeye oca masiñamani ñaboasere ĩna ñagōre queti

**14** **1** To bajiri gājerāre mani maise ñamasuse ti ñajare, mani yimasiro cōro gājerāre mairūgūto mani. To yicōari, gajeye Dios ĩ masise ĩ yarāre ĩ ujosere buto bojarā ñari, ĩre sēnirūgūroti ñaja. Tire bojarā, gajeye mua bojaro rētoro Diore gotirētobosarotire muare ĩ ujosere mua bojajama, quēnaja. **2** Ado bajiro ti bajijare, to bajise muare yaja уџ: Sīgū, masiñamani oca ĩ ñagōjama, masare ñagōgū me yigūmi. Diore ñagōgū yigūmi, Espiritu Santo ĩ ujose rāca. ĩ rācanajuama, ĩre ajimasimenama, “To bajirone bajiato” yigū, Dios ĩ yise ti ñajare. **3** Gājijuama, Diore gotirētobosagu, masare gotigū yigūmi. To bajiro ĩ yijare, butobusa Diore ajitirūnrāma. **4** Masiñamani oca ñagōgūrema, ĩ sīgūrene quēnaja ti. Gāji, Diore gotirētobosagūjuama, ĩ rāca rējarāre ejarēmogū yigūmi.

**5** To bajiri sīgū ruyabeto oca masiñamanire mua ñagōjama, quēnaroja. To bajiboarine, Diore mua gotirētobosajama, rētobusaro quēnaruroja. To bajiboarine, masiñamani oca ñagōgū ĩ ñagōrone, “Mani rāca rējarā ajimasicōari, butobusa Diore ajitirūnuato” yigū, gāji tire ĩ gotirētobujama, ñamasuse moagū yigūmi, ĩ quēne. **6** Ado bajiro bajiaja: Уџ mairā, muare ĩagū ejaгū, masiñamani oca уџ ñagōjama, ¿no bajiro muare ejarēmogū yigūada уџ? Muare уџ ejarēmoruajama, ado bajirojua yiroti ñaja: Dios ĩ ejarēmose rāca ĩ ocare buecōari muare gotiroti ñaja. To bajiro уџ yibetijama, ĩ ocare buebetiboarine, ĩ ejarēmose rāca tuoīacōari muare gotiroti ñaroja.

**7** Gotimasiore queti muare gotigū yaja: Tōroare quēnaro ĩ jutibetijama, “Ti basare jutigū yami”, yimasiña manoja. To



bajirone bajiroja arpa vāme cūtijure quēne. Quēnaro ī yibūsiomasibetijama, “Ti basare yami”, yimasīña manoja. **8** Surare jigū, trompeta vāme cūtijū quēnaro ī jutibetijama, “Sīarotigū yiromi”, ĩre yiajimasimenama, quēnaro ī jutibeti ti űajare. **9** To bajirone bajiaja, gājerā, oca masīñamani mūa űagōboajama. Mūa űagōboasere ajimasibeticōari, “To bajiro yire űni űaja”, yimasibetiruarāma ĩna. To bajiro bajica yiyo, masa mano űagōriarore bajiro bajicōaroja. **10** Adi macarucurore jājarā masa űarāma ricati rīne űagōrā. ĩna cojo masama, gāmerā ajicōarāma. **11** To bajiboarine, yū ocare ajibecu rāca, yūa űagōboajama, gāmerā ajimasimenaja. To bajiro ti bajijama, gāmerā ejarēmomasiña manoja. **12** To bajirone bajiroja mūare quēne, masīñamani oca mūa űagōjama. Gājerāre ejarēmomasimenaja. To bajiri, Espīritu Santo ĩ masise mūare ĩ űjorotire buto bojarā űari, gājerāre ejarēmorotijūare sēniña, “Būtoḃusa Diore ajitirūnuato” yirā.

**13** Gājerāre ejarēmorotire tūoīarā űari, masīñamani oca űagōrā quēne, Diore sēniña mūa, “Ti ocare buebecū űaboarine, ajimasicōari, gājerāre gotirētobumasirā űarāsa” yirā. **14** Diore sēnigū, oca masīñamani yū űagōjama, Espīritu Santo ĩ ejarēmose rāca to bajiro űagōgūja yū. “To bajiro yirūaro yaja” yimasibetiboarine, űagōgūja yū. To bajiri gājerāma yūre ajimasimenama. **15** To bajiro ti bajijare, ado bajiro yiroti űaja: Cojojirema Espīritu Santo ĩ masise yūre ĩ űjose rāca Diore sēniroti űaja. Gajejūma, yū masune tūoīacōari, ĩre sēniroti űaja. Cojojirema Espīritu Santo ĩ masise yūre ĩ űjose rāca basaroti űaja. Gajejūma, yū masune tūoīacōari, basaroti űaja. **16** To bajiro mani yibetijama, Espīritu Santo manire ĩ űjose rāca Diore mani yirūcūbūojama, “Tire űagōrā yama”, manire yimasimenama ĩna. To bajiri, mani rāca Diore yirūcūbūomasimenama. **17** “Quēnaro yaja mū” Diore mani yiboajaquēne, manire ajimasibeticōari, quēnabūsarō Diore ajitirūnūmenama gājerā. **18** Mūa rētoro masīñamani oca űagōaja yū. To bajiri, yū masibeti oca űaboasere yū űagōmasise yūre ĩ űjose ti űajare, “Quēnaro yaja mū”, Diore ĩre yaja yū. **19** To bajiboarine, cojomocārāca vāme cōro gotimasiōruarūgūaja, quēnaro ĩna ajimasirotire yigū. Diez mil űari vāme űase oca gājerā ĩna ajimasibeti yū gotijama, ajimasibetiborāma.

**20** Yũ mairã, rĩamasare bajiro tũoĩabesa mũa. Bũcũrã ĩna tũoĩarore bajiro tũoĩacõari, quẽnaro tũoĩamasĩña, yũ gotimasiosere. Rojasere rĩamasa ĩna tũoĩamasibetore bajiro mũa quẽne rojosejũarema yibeticõaña. **21** Dios ocare masa ĩna ucamasire ti gotijama, ado bajiro gotiaja: “Ĩna tũjũ gajeye oca ñagõrãre cõarũcũja. To bajiro yũ yiboajaquẽne, yũre ajibeticõa ñarũarãma”, yigotiaja Dios oca masa ĩna ucamasire. **22** Ado bajiro manire yaja ti: “Masiñamani oca, Espĩritu Santo ĩ masisere manire ĩ ƚjose rãca mani ñagõjama, Cristore ajitirũnũrã ĩna ĩaro rĩjoro ñagõroti me ñaja. ĩre masimena ĩna ĩaro rĩjorojũa ñagõroti ñaja”, yaja ti manire. To yicõari, Diore mani gotirẽtobosajama, Cristore ajitirũnũmena ĩna ĩaro rĩjoro ñagõroti me ñaja. ĩre ajitirũnũrã ĩna ĩaro rĩjorojũa ñagõroti ñaja, “Quẽnabusaro Cristore ajitirũnũato ĩna” yirã. **23** To bajiro mũare gotiboarine, ado bajise mũare yicõa ñaja yũ: “Masiñamani oca mani ñagõjama, ñie vaja manojã. Tire ajimasimenama gãjerã”, mũare yicõa ñaja yũ. Mani jediro rẽjacõari, masiñamani oca mani ñagõjama, gãjerã Cristo ĩ bajirere ajimena, to yicõari ocare ajimena, sãjaejacõari, “Mecũrã yama”, manire yĩarũarãma. **24** To bajiboarine, Diore mani gotirẽtobosañarone, sãjaejacõari, Dios oca ti ñajare, “‘Rojose yirã ñaama’ yũare yĩagũmi Dios”, yimasirũarãma Cristo ĩ bajirere ajimena. **25** “Yũa ƚsũrijũ rojose yũa tũoĩasere masicoami Dios”, yirũarãma. To yicõari, Diore rũcũbuorã, gũsomuniari tueturũarãma ĩna. To yicõari, “Socarã me yaja mũa. Mũa rãcane ñagũmi Dios”, yirũarãma.

**“Rẽjacõari, Diore rũcũbuorã, ado bajiro yirũgũroti ñaja”, yire**

**26** Yũ mairã, rẽjacõari, Diore rũcũbuorã, ado bajiro mũa yijama, quẽnaja. Sĩgũri basa, gãjerãma, Dios ocare buecõari gotimasio, gãjerãma, Dios ĩnare ĩ ñagõrotisere goti, gãjerãma, masiñamani oca ñagõ, to yicõari, gãjerãma, masiñamani ocare ajimenare, “Ado bajiro yirũaro yaja”, ĩnare yirũarãja mũa. “Quẽnabusaro Diore ajitirũnũato” yirã, ti jediro gãmerã ejarẽmorũarãja mũa. **27** Masiñamani oca mũa ñagõrũajama, jũarã, idiarã cõrone ñagõrũarãja mũa. Jãjarã ĩna ñagõjama, quẽnabetoja. Sĩgũ ĩ ñagõro bero, ñagõrũcũmi gãji. ĩ bero ñagõrũcũmi ñagõtũsagũ. Ajimasimena ñaboarine, masiñamani oca ĩna ñagõro bero, gãjerã ti ocare ajimenare ĩna gotisere, “Ado bajiro

ro yirũaro yaja” ñnare yigotimasiorimasu quẽne ñarũcũmi. **28** “Ado bajiro yirũaro yaja” yigotirimasu ñ manijama, ñna ñaro rĩjoro mũa masibeti ocare ñagõbetiroti ñnaja. Ñagõbumenane, mũa tũoĩase rãca Diore mũa ñagõjama, quẽnaja. **29** Dios ocare mũa gotimasiojama, jũarã, idiarã cõrone ñagõrũarãja mũa. Gãjerã mũa ñagõsere ajicõari, “Socabeama”, yajimasirũarãma. **30** Sĩgũ, ñ gotiñarone, ñ gotisere ajigũjua, Dios ñ ejarẽmose rãca tũoĩacõari, ñ quẽne ñ gotirũajama, gotisũogũjua gotitũjato, “Ñjua gotiato” yigu. **31** To bajiri, sĩgũ ñ gotiro bero, gotirũcũmi gãji. Ñ bero gotirũcũmi gãji. To bajiro rĩne yirũgũrũarãja mũa. To bajiro mũa yivajama, sĩgũ rũyabeto Dios ocare ajivariquẽnarũarãma ñna. **32** Diore gotirẽtobosarã, ado bajiro bajirã ñnari to bajiro quẽnaro gotirũgũarũarãja mũa: Mũa gotirẽtose Espĩritu Santo mũare ñ ẽjosere, “Ado cõrone tire yu gotijama, quẽnaja”, yimasirãja mũa. **33** Ñie oca mano mani rẽjasere ñavariquẽnarũcũmi Dios. Rẽjacõari, gãjerã ñna gotirũaro rũcũbũomenane mani ñagõjama, ñavariquẽnabecũmi.

To bajiri gãjerã Jesũre ajitirũnrã ñna rẽjarore bajiro, rojose oca mano mũa rẽjajama, quẽnaja. **34** Diore rũcũbũorã, ñna rẽjaro, rõmiamã ñagõbetirona ñnaama, to bajiro ñna yibetirũgũre ti ñnajare. Ñna manajua ñna rotirore bajiro cũdiroti ñnaja. To bajirone gotiaja Dios ocare masa ñna ucamasire. **35** Ñna masirũajama, ñna ya vijũ tudiejacõari, ñna manajũare ñna sãnĩajama, quẽnaroja. “Rẽjariavijũre ñagõbetirũarãma rõmia” yire ti ñnajare.

**36** ¿No yirã yu gotirore bajiro yibeticõa ñnati mũa maji? “Ñ oca yũare cũñumi Dios, ‘Gãjerã masare quẽnaro riojo gotibosato’ yigu”, ¿yitũoĩaboati mũa? “Yua rĩne Dios ocare masa ñna ucamasirere masirã ñnaja yua”, ¿yitũoĩaboati? Mũa rĩ me ñnaja Dios ocare ajicana. **37** Sĩgũ, “Diore gotirẽtobosagu ñnaja yu” ñ yijama, mũare yu gotisere ajicõari, “Dios ñ rotirore bajirone gotiami Pablo”, yimasirũcũmi. To bajirone yirũarãma gãjerã quẽne, “Espĩritu Santo ñ masise yũare ñ ẽjose rãca gãjerãre ejarẽmoaja yua” yirã. **38** Yu gotimasiosere, “Socase ñnaja” sĩgũ ñ yigotijama, ñre ajibeja.

**39** Yu mairã, ado bajiro mũare yaja yu: Diore gotirẽtobosaroti, Espĩritu Santo mũare ñ ẽjorotire bũto bojarũgũña. Rẽjacõari, gãjerã masĩnamani oca ñna ñagõjama, “Ñagõbesa”, ñna

re yibeja. **40** To bajiboarine, gãmerã rûcubuoã, quênaro tñoiãcõari, yu gotirote bajiro yirûgûã.

**“Socase me ñaja Cristo ï tudicature”, yire queti**

**15** **1** Yu mairã, quëna Cristo ï bajirere muare yu gotimasio-suocature mua tuditnoiasere bojaja. Tire ajicõari, Cristore ajitirûnrã ñacoacaju mua. **2** To bajicõari, “Pablo ï gotirote bajirone yiyumi Cristo” mua yitujabetijama, rojose mua tãmuoborotire muare yirëtobosacõari, quênaro muare yirucumi Dios. To bajiboarine, mua ajitirûn tujajama, muare yirëtobosabetirucumi Dios.

**3** Ti oca ñamasuse, Cristo yure ï goticati ñacaju. Ado bajiro bajijaja: Dios ocare masa ñna ucamasire ti gotirote bajirone rojose mani yise vaja manire rijabosayumi Cristo. **4** Ñre ñna jajusiaro bero, ñre yujeyujarã ñna. To bajiboarine, idiarûmu tusatirûmune Dios ocare masa ñna ucamasire ti gotirote bajirone ñre catioyumi Dios. **5** To ï yijare, tudicaticõari, Pedre ruyuaioñuju Cristo. Bero, ï buerã ñnariã cõore ruyuaioñuju quëna. **6** Bero, gãjerã quiniento rëtoro ñarãre ñre ajitirûnrãre ruyuaioñuju Cristo. To bajiri, jãjarã caticõama maji, to bajiro ï bajirere ñariarã. Gãjerãma, rijareacoasuma. **7** Bero, Santiagore ruyuaioñuju. Bero, ï ocare ï gotiroticõariarã jedirote ruyuaioñuju.

**8** Ñnare ï ruyuaïoriaro bero, yure quëne ruyuaïocami. Ñre yu ajitirûnuroto rïjoro, “Cristore ajitirûnurocu ñagûmi”, yure yimasibeticama masa. Gãjerã Cristo rãca ñacõari, ñre ñna ajitirûnrariare bajiro ñre ajitirûnubeticaju yu maji. **9** Ñre ajitirûnrãre buto rojose ñnare yisuyacacu ñari, Cristo ocare gotigu ñaboarine, ñamasugû me ñaja yu. Gãjerã ï ocare ï gotiroticõariarã ñaama ñamasurãma. **10** To bajiboarine Dios, yure ñamaicõari, Cristo suorine ï ocare yure gotiroticõañumi. Quênaro yure ï yijare, quênaro ñre moabosaja yu. To bajiri, “Ñre gotirotiboacaju yu”, yure yibecumi. Gãjerã Cristo ï oca ï gotirotiriarã rëtobusaro gotimasiorûgûaja yu, “Jãjarãbusa ñre ajitirûnrã ñato” yigu. Yu masune yigu me yaja. Yure ñamaicõari, quênaro yure ejarëmorûgûgûmi Dios. **11** Cristo ï bajire yu gotijama, gãjerã Cristo ï gotirotiriarã ñna gotijaquëne, no yibeja. Jediro muare yua gotise, ti rïne ñacõaja, mua ajitirûnucati.

**“Mani rijato bero, quēna mani tudicatibetijama, vaja maniboroja Cristore mani ajitirūnuse”, yire queti**

**12** To bajiri, “Ī rijato bero ĩre catiomyi Dios” yua yigotise ti űaboajaquēne, m̱uajuama, ĩno yirā “Bajireariarā, tudicati-menama”, yati m̱ua? **13** To bajiro m̱ua yisere quēnaro ṯuoĩaña m̱ua: Tudicatire ti manijama, Cristo quēne tudicatibetiborimi.

**14** Cristo ĩ rijato bero, Dios ĩre ĩ catiobetijama, ĩ oca masare yua gotise, vaja maniboroja. ĩre m̱ua ajitirūnuse quēne, vaja maniboroja. **15-16** To bajiri, Dios Cristore ĩ tudicatiobetijama, socasere Dios ĩ gotiroticōarāre bajiro bajiborāja yua. “Bajireariarā tudicatibeticōato” ĩ yijama, Cristore quēne ĩre tudicatiobetiborimi Dios. **17** “Tudicatibetirimi Cristo” m̱ua yiṯuoĩajama, ĩre m̱ua ajitirūnuse, vaja maniboroja. Rojose m̱ua yisere m̱uare masiriobetiborimi Dios. **18** To bajicōari, Cristore ajitirūṉariarā quēne, tudicatio ecomenare bajiro bajirāma bajireariarā, Cristo ĩ tudicatibetijama. **19** Cristore ajitirūṉarā űaboarine, mani tudicatibetijama, ĩre ajitirūṉmena ĩna s̱tiritiro ṟetoro ṯam̱oborāja mani.

**20** Ado bajirojua bajijaja: Cristo ĩ rijacoaboajaquēne, ĩre catiomyi Dios. To bajiri ĩ űagūmi, rijacoaboarine, quēna tudicaticōari, rijabetiroṯu űas̱oguma. To bajiro ĩ bajijare, “Mani quēne ĩre ajitirūṉarā űari, rijacoaboarine, ĩre bajiro quēna tudicaturarāja”, yimasijaja mani. **21** S̱gū s̱orine masa bajireare űas̱oyuja. To bajiboarine, quēna s̱gū s̱orine bajireacoaboarine, tudicatire űas̱oyuja. **22** Ado bajiro bajijaja: Adán űamasirĭ jānerabatia űari, rijaruarāja mani. To bajiboarine Cristore ajitirūṉarā ĩ yarā mani űajare, manire catoṟc̱mi Dios. **23** Cristo űagūmi rijacoaboarine quēna tudicatis̱orĭ. To bajicōari, adigodoju ĩ tudiejaro, ĩre ajitirūṉariarā tudicaturarāma. **24** To bajiro ti bajirone, adi macaṟc̱uro jediṟaroja. ĩre ĩaterā űaro cōrone ĩna rotiboasere ĩnare yirotibetiṟc̱mi Cristo. Adigodoana rojose yirotirā, ō vecana rojose yirotirāre quēne ĩnare yirotibetiṟc̱mi. To yigajanocōari, űajediro, ĩre ajitirūṉarāre ĩ jac̱ Dioj̱are űjoṟc̱mi, “űajediro űju űamasugū űarūgūṟc̱ja m̱” yigu. **25** Cristo ado bajiro yiroc̱ ĩ űajare, “To bajirone bajiruaroja”, m̱uare yaja yu: Cristo ĩ jac̱re ĩ űjoroto ṟjoro, ĩ rotĭnarĭrodone, ĩre ĩaterā űaro cōrone ĩna rotiboasere ĩnare yirotibetiṟc̱mi. **26** ĩre ĩaterā ĩna rotiboasere yirotibeticōari, quēna masa

ĩna bajirease quẽne bajibetirotirucumi Cristo. To bajiri ĩre ajitirũnarẽrema, juaji rijare manĩuaroja. **27** Dios ocare masa ĩna ucamasire ti gotirore bajirone jediro uju ñarocure Cristore cũrucumi Dios. Bajigujuma, ĩ jacure rotigu me ñaami Cristo. **28** To bajiri, ĩre ĩaterã ñaro cõrone ĩna rotiboasere ĩnare yirotibeticõari, jedirore rotigu ñarucumi Cristo. Tirũmũne ĩ rotimasirotire ĩ uxorere ĩre tudĩsirucumi, ĩ jacure, “Ñajediro uju ñamasugũ ñarucuja mu” yigu.

**29** “Bajireariarã tudicatimenama” sigũri mua yisere tuoĩacõari, gajeye muare gotirẽmoruaja yu. ¿No yirã, bajireariarã, oco rãca bautiza ecobetiriarãre tuoĩacõari, “ĩnare bautiza ecobosato mani”, yati mua? Bajireariarã ĩna tudicatibetijama, oco rãca ĩna bautiza ecore vaja maniboroja ti. **30** Gãjerãre Cristo ĩ bajirere yua goticudise quẽne, vaja maniboroja ti. Tire yua goticudijare, rojose yuare ĩna yiruase ti ñaboajaquẽne, goticudicõa ñaja yua. Bajireariarã ĩna tudicatibetiboajaquẽne, ¿no yirã to bajise yicõa ñati yua? **31** Yu mairã, riojo muare gotiaja yu. Buto yure ĩna sĩaruajare, tocãrãcarũmũne tire tuoĩarũgũaja. To bajiboarine, tire yu tuoĩaro cõro yu goticati suorine Jesucristo mani ujure mua ajitirũnũsere tuoĩavariquẽnarũgũaja. **32** Adoana, Efeso macana yure ĩatecõari, buto rojose yure ĩna yiruabojaquẽne, tone goticõa ñacaju yu. Bajireariarã ĩna tudicatibetijama, yu goticati vaja, vaja bujabetiboguja yu. Mani rijato bero, mani tudicatibetijama, Cristore ajitirũnũmena ĩna tuoĩarore bajiro tuoĩaroti ñaboroja. Ado bajiro tuoĩarãma ĩna: “Mani bajireacoajama, tudicatimenaja mani” yituoĩarã ñari, “Mani bojare bajiro yito mani”, yituoĩarãma.

**33** To bajiro ĩna yisere ajitirũnũbesa. “Rojose yirã rãca mua baba cutijama, quẽnaro yirã ñaboarine, ĩnare bajiro rojose yiruãrãja mua quẽne” yirere masiritibesa. **34** “Mani rijato bero, tudicatimenaja mani” mua yituoĩaboasere to cõrone tuoĩatũjaya mua. To yicõari, rojose mua yisere quẽne yitũjaya. “Rojose yirã rãca baba cutibesa”, muare yibu yu, mua rãcana sigũri Diore masimena ĩna ñajare. Tire muare gotiaja yu, yu gotisere ajicõari, mua tuoĩabojonerotire yigu.

### Rijacoaboarine, quẽna mani tudicatiroti queti

**35** “Mani rijato bero, tudicatiroti ñaja manire” muare yu yiboajaquẽne, sigũri ñarãja mua ado bajise sẽnĩarã: “Bajireaa-

riarã ñaboarine, ¿no bajiro tudicaticõari? To yicõari, ¿no bajiro ruju cõtirãda?”, yure yisẽniãrãja mua. **36** To bajiro yure mua sãnĩajama, quẽnaro tũoĩamasimena yirãja mua. Ado bajirojua bajiaja: Ote mani otejama, joeaye boacoatoja. To bajiboarine, jubeayejua judiroja. **37** Trigo aje, gajeye mani otejama, ruju jediro me oteaja mani. **38** Mani otero bero, “Ote ti ñarore bajirone judiato” yigu, tire judirotimasigũmi Dios. Trigo aje ti ñajama, trigo judirũaroja. **39** Gajeyere quẽne tũoĩaña: Mani catirã, jediro ricati rĩne ruju cõtiaja mani. Masa, vaibucurã, minia, vai quẽne ricati rĩne ruju cõtiamã. **40** Õ vecana quẽne, ricati ruju cõtirãma. “Õ vecana ñato” yigu, ñnare rujeoyumi Dios. To bajirone bajiaja, adigodoaye quẽne. “Adigodoaye ñato” yigu, tire rujeoyumi Dios. To bajiri ricati ñaja ti. Ricati ñaboarine, quẽnase rĩne ñacõaja. **41** To bajirone bajiaja ãmũagu muiju ã bususere quẽne. ãmũagu muiju ã busuro cõro me busuami ñamiagu quẽne. To bajicõari ñamiagu muiju ã busuro cõro me busuama ñocõa quẽne.

**42** To bajirone bajirũarãja mani. Mani rijato bero, quẽna tudicaticõari, ricati ruju cõtirũarãja mani. Mani rujuũrĩre gãjerã ñna yujero bero, boacoatoja. To bajiboarine, bero ricati ruju Dios manire ã ãsirotijũama, rijabetirotiruju ñarũaroja. **43** Mani ruju boarotiruju ñaja. To bajiboarine, bero Dios manire ã ãsirotirujuũama, no yimasiñamani ruju ñarũaroja. **44** Mani ruju, “Adigodoju ñato” yigu, Dios ã rujeoriaruju ñaja. To bajiboarine, bero Dios manire ã ãsirotirujuũama, “Yũ rãca quẽnaro ñarũarãma” yigu, manire ã ãsirotiruju ñarũaroja.

**45** Ado bajiro gotiaja Dios ocare masa ñna ucamasire: “Adãn ñamasirĩre ã catirotire ãre ãsimasiñuju Dios”, yigotiaja. Adãn beroagu ñaboarine ã rẽtoro ñamasugũ ñnaami Cristo. ñne ñnaami ãre ajitirũnrã, rijacoaboarine, tudirijayamanire ujugũ. **46** To bajiro ti bajiboajaquẽne, ã rãca õ vecaju ñarotiruju mere manire ãsisũoyumi. To bajiro ã yiro bero, õ vecaju ã rãca mani ñarotirujũre manire ãsirũcũmi. **47** Adãn ñamasirĩre sitane rujeomasĩñuju Dios. To bajiri adigodoagu ñamasĩñuju ã. Bero vadirĩ, Cristojũama, õ vecaju vadirĩ ñañuju. **48** Adigodoana Adãn ñamasirĩ ruju cõtiriare bajiro ruju cõtiaja mani. To bajirone bajirũaroja, manire Cristore ajitirũnrãre quẽne. Cristo, rijacoaboarine, tudicaticõari, ã ruju cõtiriare bajiro ruju cõtirũarãja mani quẽne.

**49** Adigodoana Adán ĩ ruju cõtumasiriarore bajiro rujuari cõtirã ñaja mani. To bajiboarine, Dios tujũ ejacõari, Cristore bajiro ruju cõtiruãrãja mani.

**50** Yu mairã, ñamasusere muare gotigu yaja yũ: Ado mani ruju cõtisema Dios tujũ ñarotirujũ me ñaja. Gaje ruju, ruju cõticioari, Dios tujũ ñaruãrãja. **51** Quẽnaro yũre ajiya mua. Masa ĩna masibeticatire muare gotigu yaja yũ: Cristo ĩ tudiejaro, ĩre ajitirũnrã jediro rijajedibetiboarine, sīgũ ruyabeto gaje ruju, ruju cõticoaruãrãja mani. **52** Trompeta vãme cõtiju, ĩna jutibusiorone, guaro cajea bibitiarore bajirone bajireararã, tudicaticõari, rijabetirotirujũ, ruju cõtiruãrãma. To bajiro ĩna bajirone, mani quẽne bajireamenane Cristore ajitirũnrã ñari, gaje ruju, ruju cõtiruãrãja mani. **53** Ado bajiro ti bajijare, to bajiro bajiroti ñaja: Mani ruju cõtise, rijacõari, boaroti ñaja. To bajiri rijabetirotirujũare, ruju cõtiroti ñaja. **54-55** To bajiro mani ruju cõtirone, Dios ocare masa ĩna ucamasire ti gotirote bajiro bajiruãroja. Ado bajiro gotiaja: “Rijaroti ñaboasere reajeorucumi Dios. To bajiro ĩ yijare, ĩre ajitirũnrã, tudirijabetiruãrãma. To bajiri, no yirã ĩna bajirotire güimenama”, yigotiaja Dios ocare masa ĩna ucamasire. **56** Dios ĩ rotimasiriarore bajiro yimena ñari, rojose tãmuõruãrãma. To bajiro bajiroti ti ñajare, ĩna bajirearotire güirãma masa. **57** To bajiboarine, mani ujũ Jesucristo manire ĩ rijabosare ñajare, mani bajirotire güibeaja mani. Tire tuoĩacõari, “Quẽnaro yaja mu”, Diore yito mani.

**58** To bajiri Jesucristore ajitirũnu tujabetiruãrãja mua, yu mairã. To yicõari, mua yimasiro cõro Dios ĩ bojasere yirũgũña. “Ñajediro Dios ĩ bojase mani yijama, quẽnaro manire yirucumi” yituoĩacõari, to bajiro yirũgũña.

### Jerusalén macanare ejarẽmorã, gãjoa ĩna juarẽore queti

**16** **1** Gãjerã Cristore ajitirũnrãre ejarẽmorã gãjoa mua juarẽorotire muare gotigu yaja. Galacia sitana Cristore rucubõorã ĩna rëjaro, ĩnare quẽnaro yũ roticatore bajiro muare rotigu yaja. **2** Tocãrãca domingo ñaro, gãjoa mua ĩsirũaro cõro, mua ĩsijama, quẽnaja. Tire cojojũne juarẽocũma. To bajiro mua yijama, mua tujũ yũ ejaro, tire juarẽoroti maniruãroja. **3** Mua tujũ ejacõari, gãjoa mua cũsere juavarõnare, “Ånoa ñaama tire juavarõna”, yiba. To bajiri, queti ĩnare uca-



bosarucija yu. “Ānoa ņaama quēnaro yirā. Īnare quēnaro bocaāmiña” yire quetire ĩnare ucabosarucija yu, “Jerusalén macanare ĩoato” yigũ. **4** “Pablo rāca varuarāma” mũa yituoĩa-jama, yu rāca varuarāma.

### **Pablo, Corinto macaju ĩ varua tuoĩare queti**

**5** Macedonia sitaju varucija yu. Toju ĩacudigu vacũne, mũa tũju ejarucija. **6** Yoaro, juebũcu ņaro cõro mũa rāca ņarucija, yu bajijama. Mũa tu yu ņaro, gājerā tũju yu ĩacudigu varotire yirā, yũre ejarēmouarāja mũa. **7** Ado cõrone mũa tu yu vajama, yoaro mũa rāca ņabetibogũja yu. To bajiri mũa tũju vabeaja maji. Mani ẽju ĩ bojajama, yoarobusa mũa rāca ņabogũja yu. **8-9** Efeso macajũne ņacõarucija maji, jājarā yũre ĩaterā ĩna ņaboajaquēne, Jesús ĩ bajire yu gotimasiosere quēnaro ajiruarā jājarā ĩna ņajare. To bajiri Pentecostés bose-rĩmũ adoana ĩna yiro bero, varucija yu.

**10** Timoteo, mũa tu ĩ eajama, “Manire güibecũne, quēnaro riojo gotiato” yirā, quēnaro ĩre yiba. Yũre bajirone mani ẽju ĩ bojasere yigu ņaami ĩ quēne. **11** To bajiri ĩre quēnaro rũcũbũoba. Yu tũju vagũ, muare ĩarětovagũmi. To bajiri, yu tũju eajũ, “Variquēnase rāca ejato ĩ” yirā, quēnaro ĩre ejarēmoma. Gājerā Cristore ajitirũnrā rāca ĩ ejarotire ņayuruarāja yu.

**12** Mani maigũ, Apolos ĩ bajisere yũre sēniĩacõañuja mũa. Gājerā Cristore ajitirũnrā rāca mũa tũju ĩre varotirũgũboacaju yu. Varuabeticami. No bojarirũmũ ĩ vatirũmũ, varucũmi, bajigujama.

### **“Estéfnas mesa ĩna rotirore bajiro mũa yijama, quēna”, Pablo ĩ yire queti**

**13** Rojose yirāre güimenane, quēnaro tuoĩacõari ņarũgũña mũa. To bajicõari, mani ẽju Cristore tuoĩatũjabesa, “Dios ĩ bojasere yitũjarobe” yirā. **14** Mũa yise jediro quēnaro gāmerā maire rāca yirũgũruarāja mũa.

**15** Acaya sitagũ, Estéfnas, ĩ yarā rāca Cristo ĩ bajirere yu gotimasiosere ajitirũnũsucama. Adirũmũri ņarā, Cristore ajitirũnrāre ejarēmoama ĩna. Tire masiaja mũa. **16** Īnare, to yicõari, ĩna rāca moarāre quēne quēnaro mũa cũdisere bojaja yu.

**17** Estéfnas, Fortunato, Acaico ĩna ejasere bũto variquēnaja yu. Jediro yu tũju mũa ejamasibetijare, ĩnajũ, ejacõari,

m̄a gotiroti ñaboasere quēnaro m̄are gotibosama. **18** Quēnaro m̄are ña gotibosajare, m̄a variquēnarore bajiro variquēnaja ȳ quēne. To bajiri, “Ȳare quēnaro m̄a gotibosajare, variquēnaja ȳa” yirā, quēnaro ñare yiba m̄a.

**Pablo, ñare ĩ quēnaroticōare queti**

**19** Asia sitana Cristore ajitir̄n̄rā, “Quēnato”, m̄are yicōama. Aquila, ĩ manajo Prisca, ña ya vi rējarā quēne, mani ɛj̄re ajitir̄n̄rā ñari, m̄are quēnarotiamā. **20** Adoana Cristore ajitir̄n̄rā, m̄are mairā, “Quēnato”, m̄are yicōama ña quēne. Gāmerā mairā ñari, rējacōari, quēnaro gāmerā yiba.

**21** Ȳ Pablo, ȳ masune, “Quēnato”, m̄are yucacōaja ȳ.

**22** Mani ɛj̄re ĩre ajitir̄n̄mena, rojose tām̄otɛj̄abetiria-roj̄ var̄arāma ña. Mani ɛj̄, yoaro mene ĩ tudiejāsere bojaja ȳ.

**23** Mani ɛj̄, quēnasere m̄are cōar̄gūato. **24** M̄a quēne, Jesucristore ajitir̄n̄rā m̄a ñajare, “M̄are buto tuoīamaiaja”, m̄are yicōaja ȳ.

To cōro ñaja.